

八代紀要卷之二十七

明吳興顧應祥編集

大埔黃辰校刊江陰湯明善校正

庠生倪佩 臧繼華同校

乙酉宋理宗寶慶元年

湖州潘壬潘丙與李全密謀立濟王竑起兵討史彌遠至期全兵不至所部皆太湖漁人竑知事不成告于朝討平之史彌遠詐言竑有疾遣余天錫召醫視之逼竑自縊追貶巴陵郡公

魏了翁真德秀言濟王之寃魏了翁奪三秩貶靖

州真德秀落職罷祠 加史彌遠太師右丞相兼
樞密使封魏國公

詔故太師武勝定國軍節度使鄂王岳飛謚忠武
續通鑑作忠穆今從宋史

丙戌 夏主覲元年

贈陸九齡等官錄張栻呂祖謙陸九淵後
圖功臣像于昭勳崇德閣

趙普曹彬薛居正石熙載潘美李沆王旦李繼
隆王曾呂夷簡曹瑋韓琦曾公亮富弼司馬光
韓忠彥呂頤浩趙鼎韓世忠張俊陳康伯史浩

葛泌後益以趙汝愚凡二十四人

以孔萬春襲封衍聖公

追降濟王竑為巴陵縣公 是年改湖州為安吉

州 夏主德旺憂卒年四十六廟號獻宗弟清平

郡王之子南平王覲立

丁亥 夏二

贈朱熹太師信國公 李全以青州降于蒙古以

為山東行省 楚州忠義李福作亂逐制置副使

姚翀詔即以忠義都制楊紹雲兼淮東制置副使

改楚州為淮安軍

是年六月蒙古執夏主覲夏民穿鑿土石以避鋒
鏑免者百無一二白骨蔽野諸將爭掠子女財帛
耶律楚材獨取書數部大黃兩馳而已

夏本拓跋魏之後唐貞觀中拓跋赤辭歸附賜
姓李鎮夏州唐末拓跋思恭討黃巢有功復賜
李姓世為定難節度使傳至李繼遷宋太宗咸
淳二年為銀州觀察使賜姓名趙保吉死子德
明嗣德明死子元昊於宋仁宗明道元年始改
元建國傳十主共一百九十六年而為元所滅
併諸羗十四州廣袤萬里分境內為三十二州

居興州即今之寧夏衛乃其故治平涼府會寧
縣乃宋時邊界甘肅寧夏地方俱為其所屬
秋七月蒙古主鐵木真避暑六盤山卒壽六十六
在位二十二年滅國四十塋起輦谷至元三年追
謚聖武皇帝至大二年加謚法天啓運聖武皇帝
廟號太祖以

第四子拖雷監國

日南至宋郊祀改明年為紹定

戊子紹定元年

金忠孝軍完顏陳和尚大敗蒙古兵于大昌原

巳丑

蒙古太宗元年

是年秋八月蒙古太祖第三子窩濶即位于庫鐵

烏阿刺里是為元太宗始定朝儀皆耶律楚材之

議

定筭賦中原以戶西域以丁蒙古以牛馬羊

蒙古以史天澤劉黑馬蕭扎刺為萬戶分守中原

按元太祖歿已一年餘矣耶律楚材以遺詔請

立三太子諸王猶豫未決楚材言于監國始奉

三太子即位夫窩濶台兄也拖雷弟也以弟監

國而兄無間言弟監國日久而亦無覬覦之心

夷性率直如此

庚寅

李全叛

以鄭清之參知政事詔史彌遠十日

一赴都堂治事

改贈朱熹徽國公

立謝深甫

辛卯

孫女謝貴妃為皇后

蒙古始立十路稅課所

初元太祖身征西域未暇經理中原官吏惟聚

歛自私而官無儲恃近臣咸言雖得漢人無補

不如盡殺之空其地以牧馬耶律楚材曰陛下

方將南伐軍需宜有所資誠均定中原地稅商

稅鹽酒鐵冶山澤之利歲可得銀五十萬兩帛

八萬匹粟四十餘萬石何謂無補太祖納之至是楚材奏立十路課稅使悉用士人國用充足又間進說周孔之教以為治夫蒙古夷狄之俗譬諸禽獸惟知殺戮搶掠而已無經國之遠猷匪得耶律楚材引薦士人以為之用國欲治可得乎

辛卯 知鎮江趙范知滁州趙葵會兵討李全平之收復

淮安

金完顏陳和尚敗蒙古兵于田倒谷

蒙古以耶律楚材為中書令 擊高麗

壬辰

金開興元年四月又改天興元年

蒙古遣使約攻金許之趙范諫不聽

禁監司守臣毋輒籍沒民家

按宋史刑法志曰理宗起自民間具知刑獄之弊初即位即詔恤刑又親制審刑銘大暑大寒必親慮囚及祈晴祈雪亦如之一歲凡數疏決以建康為先朝駐驛之地亦視臨安減降用刑可謂極厚矣而天下之獄不勝其酷每提刑行御決囚展轉行委肆行威福以要餽遺欲黥欲殺監勒招承又置非法刑具或斷柴為杖指擊

手足名曰掉柴或木索并施夾兩脰名曰夾幫
或纏繩於首加以木楔名曰腦箍或反縛跪地
短豎堅木交辯兩股令獄卒跳躍于上謂之超
棍痛深骨髓富貴之家稍有入呈動籍其貲又
以趁辦月椿及添助版帳爲名不問輕重並從
科罰官取其十吏漁其百戶婚詞訟亦皆收禁
有飢餓而死者有無力請求吏卒凌虐而死者
有兩詞賂遺苦楚而死者懼其發覺先以病申
名曰病死實則殺之度宗時雖累詔切責而不
能禁止而國亡矣由是觀之則理宗之所謂恤
刑者不過徒事虛名而無愛民之實况又委政
宰輔而當時之爲監司守令者皆趨時好名而
已天下豈能治乎

金春正月改元開興蒙古遣其將速不臺圍汴京
金完顏合達移刺蒲阿入援與蒙古太弟拖雷戰
于三峯須臾白霧蔽空人不相覩又雪田泥淖深
没人脛軍士僵立雪中槍槊結凍如椽軍士有不
食三日者蒙古兵熾薪燔肉更迭休息乘金困憊
開一路縱之走而夾擊之金師遂潰勢如崩山忽
天氣開霽日色皎然金師無一人逃者合達走鈞

州城破被殺陳和尚自出至蒙古營曰我忠孝軍
陳和尚死亂軍中人將謂我負國家今日明白死
蒙古欲其降斫足脛劃口吻至耳至死不屈蒲
阿被執蒙古欲降之曰我金國大臣惟當死境內
耳蒙古人遂殺之

夏四月金主封荆王守純子訛可爲曹王質于蒙
古求和蒙古攻汴十六晝夜內外死者以百萬計
議和始解金改元天興五月汴京大疫諸門出死
者九十餘萬貧不能塋者不在數

蒙古太弟拖雷卒于軍憲宗立追謚英武皇帝廟
號睿宗世祖至元二年改謚景襄皇帝

金主出奔河北蒙古兵復攻汴

癸巳 金主守緒濟河為蒙古所追溺死者千人又敗于

白公廟遂入歸德誅其平章白撒

蒙古將速不臺攻汴城日急城中米升至銀一兩
縉紳士女行乞於市煮皮器物充飢人情恟恟西
面元帥崔立殺參政完顏奴申樞副兼知開封習
捏阿不等十餘人諭百姓曰二相閉門無謀今殺
之為汝一城生靈請命衆皆稱快乃立衛紹王子
從恪為梁王監國自為太師尚書令軍馬大元帥

送款于蒙古速不臺至青城立服御衣儀衛往見
速不臺喜飲之酒立還盡焚其樓櫓又託以軍前
索要子女日亂殺人以荆王府為私第取內府珍
玩充實之群小附和請建功德碑翰林直學士王
若虛不肯作文而止

崔立以天子衮冕后服進于速不臺括在城金銀
搜索薰灌訊掠慘酷人不堪其毒立以太后王氏
皇后徒單氏梁王及荆王守純諸妃嬪凡車三十
七兩宗室男女五百餘人衍聖公孔元措名儒梁
涉及三教醫流工匠繡女赴青城速不臺殺二王
及族屬而送后妃于和林在道艱楚萬狀尤甚于
宋徽欽之時速不臺入汴崔立在城外兵先入其
家取婢妾寶玉而出立大慟而已

金虜俘宋之君臣宗戚北去剛及百年而又為
蒙古所俘受禍尤烈蓋宋以仁厚立國金以夷
性專務殺戮故天之報應錙銖不爽然驅宋之
后妃宗室者為范瓊徐秉哲不過畏金人之威
耳若崔立之窮兇極惡則古今所無者天其假
手於立以復宋之讐乎

蒙古凡攻城不降矢石一發即屠之速不臺以汴

城久抗士卒多傷請屠其城耶律楚材聞之馳見
蒙古主力諫乃詔除完顏氏一族外餘皆原免時
避兵在汴尚百四十萬戶皆賴楚材保全

金主守緒入蔡州以完顏忽斜虎為尚書右丞忽
斜虎繕甲治兵商販頗集金主命選室女充後宮
及修見山亭以為游息之所忽斜虎切諫乃止

按金主當顛沛流離之際猶欲縱耳目之欲不
亡可得乎

金遣使乞糧不許

蒙古以耶律楚材言以孔子五十一世孫孔元措

襲封衍聖公修孔子廟

史嵩之使孟珙帥師二萬運米三十萬石與蒙古
夾攻蔡州以史彌遠為太師左丞相鄭清之右

丞相並兼樞密使尋以史彌遠為保寧昭信軍節
度使充醴泉觀使會稽郡王奉朝請史彌遠尋卒
冬十一月帝始親政改明年為端平元年

甲午端平元年

金末帝是年金亡

春正月宋孟珙與蒙古兵攻蔡州城中絕糧已三
日金主傳位于世祖劾里鉢後白撒弟東面元帥
承麟百官拜賀甫畢而南城已立宋幟四面鼓噪

夾攻聲震天地金主守緒取寶玉置于幽蘭軒環之以草命近侍曰死便火我遂自經死忽斜虎聞之曰吾君已崩吾何以戰為吾不能死于亂兵之手言訖赴水死將士皆曰相公能死吾輩獨不能耶後死者五百餘人承麟退保子城謚守緒曰哀宗哭奠未畢城陷為亂兵所殺金遂亡

金主守緒傳位承麟與宋徽宗相類然徽宗隱忍至金營投降被其執辱守緒能死社稷似為過之將士後死者五百餘人蓋南方之氣柔弱北方之氣剛勁非有義理養心而能然也

金自阿骨打於宋徽宗政和五年乙未建國改元丁酉年稱帝甲辰年滅遼丙午入汴執宋二帝都于上京海陵於癸酉遷都于燕辛巳年遷都于汴至哀宗癸巳年奔歸德甲午年奔蔡州傳十主一百一十八年宋元共滅之

春三月以貴妃弟賈似道為籍田令

夏四月史嵩之以孟珙所獲金哀宗遺骨寶玉法物并俘金參政張天綱等至告于太廟藏骨大理寺獄庫以孟珙兼御前都統制

復巴陵縣公竑官爵賜其妻吳氏號慧靜法空大

師 趙范趙葵請復三京

三京中華故地固所當復但初與彼連和平金而遽為是舉似乎非宜况先議夾攻汴京許俟成功以河南地歸宋只宜守我封疆練兵息民一意內治養威蓄銳俟時而動可也或曰蒙古梟獍之性如西域諸國高麗日本皆無故而伐之和好豈足恃乎和好既不足恃當日夜思惟以為禦備之計而顧輕舉妄動自啓釁端使彼得以為辭大抵宋之君臣專務虛文而無勵精圖治之實意馴至於亡皆由於此如趙范先諫

伐金今見孟珙蔡州之捷遂欲乘時撫定中原其為謀亦踈矣

金汴京故都尉李伯淵等殺崔立祭哀宗軍民剖其心噉之 趙葵等兵潰蒙古遣使來責敗盟自是江淮之間無寧日 召負德秀為翰林學士魏了翁直學士德秀進大學衍義及三劄

乙未

以胡瑗孫明復邵雍歐陽修周敦頤司馬光蘇軾張載程顥程頤十人從祀孔子廟庭升孔伋十哲負德秀叅知政事五月卒贈銀青光祿大夫謚文忠 鄭清之左丞相喬行簡右丞相兼樞密使

召崔與之叅政不至 魏了翁同僉樞密院事督
視京湖軍馬 安南入貢

蒙古作和林萬安宮唐回鶻毗伽可汗故城以為
會同之所

蒙古遣皇子貴由皇姪蒙哥征西域皇子濶端征
秦鞏皇子曲出及胡土虎侵宋唐古征高麗

丙申

封陳日喫為安南國王賜襲衣金帶 詔悔開邊

二月蒙古初行交鈔

三月趙范撫馭失宜襄陽北軍主將王旻李伯淵
作亂叛降蒙古

蒙古以耶律楚材言召儒士梁涉等編集經史復
修孔子廟司天臺 蒙古破許得金資庫使姚樞
甚重之拔德安又得趙復以儒學見重于世其徒
稱為江漢先生由是北方始知經學

蒙古以中原民分隸宗戚耶律楚材諫以為尾大
不掉止設達魯花赤歲賦七分為率五分入府二
分為湯沐常賦外不許擅自科歛

蒙古太子濶端入蜀利州統制曹友聞戰死贈龍
圖閣大學士謚毅節立廟褒忠

丘氏世史正綱載袁楠之言曰國兵入蜀蜀民

就死者率五十人為一聚人悉刺一刀至暮疑積屍中有不死者復刺一刀是時成都城中骸骨計一百四十萬城外者不計其數併附于此以見夷性之慘酷如是

鄭清之喬行簡罷召崔與之為右丞相不至復以喬行簡為左丞相封肅國公魏了翁以資政殿學士知紹興府復成都府以明年為嘉熙元年

丁酉嘉熙元年

以朱熹所著資治通鑑綱目下國子監并進經筵

資政殿學士魏了翁卒贈少師謚文靖臨安大

火以李皇后同知樞密宣撫四川知成都府一追

封趙汝愚為福王

蒙古始給官府符印定驛令

蒙古蒙哥伐欽察斡羅思麥怯思部皆降

欽察去中國三萬餘里夏夜極短日暫沒輒出

產良馬俗衽金革勇猛剛烈青目赤髮蒙哥師

至其酋八赤蠻逃于海島會大風水涸遂進屠

其眾獲八赤蠻命之跪曰我一國主豈苟求其

生且身非馳何以跪人乃命囚之八赤蠻謂守

者曰我竄入海與魚何異被擒天也水且至軍宜早還即班師而水已至

孟珙敗蒙古兵于黃州 杜杲敗蒙古兵于安豐

戊戌 杜杲敗蒙古兵于廬州 孟珙復郢州

蒙古建太極書院于燕京延趙復為師立周子祠以二程張楊游朱六子配食

巳亥 以喬行簡為少傅平章軍國重事 李宗勉為左

丞相史嵩之為右丞相 崔與之卒年八十二贈

少師 封南海郡公謚清獻 孟珙復襄陽

蒙古復破成都

庚子 喬行簡罷 李宗勉卒 以明年為淳祐元年

辛丑淳祐元年

加周敦頤汝南伯張載郿伯程顥河南伯程頤伊

陽伯與朱熹從祀孔子廟庭始罷王安石從祀

喬行簡卒

冬十一月蒙古主田獵至鉞鐵鎮胡蘭山卒年五

十六在位十三年謚英文皇帝廟號太宗遺命立

第四子曲出之子失烈門其次妻六皇后脫列哥

那乃馬真氏不從遂臨朝稱制

壬寅 蒙古燕京行省郎中姚樞棄官隱于蘇門築室龕

魯司寇容旁列周程張邵司馬六君子讀書其間
癸卯 余玠為四川制置使城釣魚山

耶律楚材以憂卒

史稱耶律楚材卒或譖于乃馬真后曰楚材為
相二十年天下貢賦半入其家后遣近臣視之
惟琴阮十餘及古今書畫金石遺文數千卷而
已夫楚材學貫天人為元主信用日久而家無
厚蓄蓋其心不為利欲所動故其所造如此誠
所謂嗜欲淺者天機深也錄之以為為仕者式
甲辰 史嵩之以父喪去位起復太學生劾之始乞終制

留夢炎及第范鍾為左丞相杜範為右丞相並
兼樞密使鄭清之為少保封衛國公
乙巳 以游似為右丞相

丙午

蒙古入兩淮呂文德敗之 勒史嵩之以觀文殿
大學士永國公致仕 孟珙卒贈太師封吉國公
謚忠襄

秋七月蒙古太宗長子貴由立于汪吉宿滅禿里
之地年四十一是為定宗
丁未 以鄭清之為太傅右丞相兼樞密使 游似罷

丁未 蒙古侵高麗大朝亦不答難蘇魯等

戊申 蒙古主貴由卒于橫相益兒之地在位三年年四

十三葬起輦谷追謚簡平皇帝廟號定宗貴由雖

御極而朝政猶出六皇后諸王徵求無厭貨財民

力益困法度不一內外離心及卒未有所立太后

斡兀立海迷失稱制

續通鑑云元主殂于胡眉斜陽吉兒皇太后秃

里吉納復治國事秃里吉納即六皇后脫列哥

那也番語原無字故繹寫不同耳通鑑纂要則

曰蒙古王貴由卒皇后兀立海迷失抱曲出子

失列門聽政諸王多不服及考元史后妃傳定

宗欽淑皇后名斡兀坐海迷失定宗崩抱子失

列門垂簾聽政者六月諸史會編則既云皇太

后秃里吉納復治國事又云皇后斡立海迷失

抱屈出子失列門聽政一事而各處所載不同

如是且失列門太宗崩時已遺命立之太宗崩

已七年有餘不應尚在懷抱通鑑又云定宗有

三子曰和者曰闊忽歹曰忽也不干其后何不

抱已子而抱屈出之子乎但元史必有所據而

定宗本紀亦云帝雖御極而朝政猶出於六皇

后想當時群臣欲遵太宗遺命立失列門而議
擬未定失列門尚在冲年故以其后斡兀海迷
失垂簾聽政而主之者實太后也併著於此以
存疑

巳酉 鄭清之為太師左丞相趙葵為右丞相並兼樞密
使

庚戌 以賈似道為兩淮制置大使知揚州

辛亥 蒙古憲宗元年

鄭清之以太傅充醴泉觀使封齊國公奉朝請越
六日卒謝芳淑吳潛為左右丞相游似卒

蒙古諸大臣欲立失列門久而不決至是速不臺
子兀良合台與諸王拔都等立太祖第四子拖雷
之子蒙哥即位於斡離河是為憲宗蒙哥華言長
生也

以太弟忽必烈總治蒙古漢地開府金蓮川起姚
樞于蘇門上治平策

蒙古號西域僧那摩為國師

壬子 臨安火三日

秋七月行會天曆以明年為寶祐元年

蒙古皇太后崩蒙古主蒙哥以諸王嘗欲立失烈

門乃分遷諸王于邊徙太宗三皇后乞里吉忽帖
尼於擴端所居地之西以諸后妃家貲分賜親王
定宗后斡兀海迷失及失烈門母以厭禳賜死禁
錮失烈門于沒脫赤之地

秋七月蒙古命忽必烈征大理諸王禿兒花撒丘
征身毒國怯的不花征沒黑奚旭烈征西域素丹
諸國冬十月命諸王野古征高麗

癸丑寶祐元年

立母弟榮王與芮子孜為皇子更名禭
四川制置使余玠召還暴卒籍其家財

蒙古忽必烈自西域乘革囊及楫渡金沙江入大
理國擒段智興烏爨諸部悉平吐蕃降

段氏自晉天福二年段思平據有大理至智興
為元所滅共二十三主三百一十五年

甲寅 進封皇子禭為忠王 賈似道同知樞密

利州西路安撫使王惟忠被余晦誣斬于市

蒙古祭天于日月山

乙卯 賈似道敗蒙古李璫于海城 以丁大全為右司

諫大全夤緣而進與正言陳大方侍御史胡大昌
號三不吠犬 謝芳叔徐清之免董槐為右丞相

蒙古徵許衡為京兆提學不至 元良合台征白蠻烏蠻羅鬼阿伯阿魯等國俱降

丙辰 加賈似道參知政事 賜文天祥及第 丁大全

逐右丞相董槐太學生陳宜中等六人上書編管

遠州人稱六君子 程元鳳右丞相丁大全僉書

樞密

丁巳 賈似道知樞密院事

蒙古遣將兀良合台入交趾屠其城

回鶻入貢于蒙古

戊午 以丁大全參知政事 程元鳳罷即以大全為右

丞相兼樞密使 以明年為開慶元年

蒙古主蒙哥自將侵蜀遣太弟忽必烈征鄂州趨

杭命塔察攻荆山

西域乞石迷諸國降于蒙古

安南王陳日熈傳國于長子光昺改元紹隆以方

物貢蒙古

已未開慶元年

以賈似道為樞密使充京湖南北四川宣撫大使

秋七月蒙古主蒙哥卒于合州釣魚山年五十二

在位九年追謚桓肅皇帝廟號憲宗無嗣史天澤

護樞北還 九月蒙古忽必烈師渡江圍鄂州朝
廷震恐

丁大全免出判鎮江

丁大全姦險貪殘陷害良善逼塞言路聞鄭羽
富諷臺臣彈之籍其財為子娶婦見其美自取
之元師侵境匿不以聞至是罷相臺諫請追奪
遠竄不許奸臣誤國故備書之

以吳潛為左丞相兼樞密使進封相國公尋改封
慶國公

吳潛論致亂之由起於姦臣蒙蔽又曰陛下當
遷幸臣當死守帝泣下曰卿欲為張邦昌乎潛
不敢對內侍董宋臣亦請遷都文天祥乞斬之
不報

賈似道為右丞相兼樞密使封茂國公督師援鄂
似道密遣宋京至蒙古營稱臣割地納幣乞和忽
必烈不許及聞蒙哥訃又阿里不哥欲襲其位以
江淮荆湖宣撫郝經言班師始許之賈似道以鄂
州圍解論功行賞改明年為景定元年改封吳潛
許國公似道肅國公

庚申景定元年

元世祖中統元年

无兵作浮橋于新生磯兵還賈似道用劉整計遣夏貴等攻斷浮橋殺其殿卒百七十人上表報捷吳潜用御史饒應子言復以似道移鎮黃州似道以潜欲殺已怨之

春三月元太弟忽必烈即位于開平是為元世祖國語稱薛禪皇帝以五月為始建元中統元年

元定官制始頒祿于官吏立中書省以王文統平章政事分漢地為十道各置宣撫使 阿里不哥聞元主即位遂僭號和林元主親征奔北

侍御史沈炎劾吳潜罷以賈似道為少師右丞相

兼樞密使封衛國公手詔褒美權傾中外尋加太師又兼太子太師賜玉帶金噐千兩幣千匹安置吳潜于潮州 夏六月立忠王禕為皇太子元主以郝經為翰林侍讀學士充國信使來告即位修好王文統素忌郝經之才故有此命又陰諷江淮都督李壇侵宋以害經李壇屢請遣將攻宋元主不許經至賈似道幽之真州忠勇軍新館匿不以聞

初賈似道遣宋京至虜營稱臣割江南地為界歲奉銀絹各二十萬忽必烈方拔砦而去似道

匿之反以所殺殿卒奏捷還朝又使其客廖瑩
中撰福華編稱頌鄂功通國皆不知其和議也
既而虜使至恐其謀泄遂以李壇為辭命知楊
州李庭芝寓書于經峽以款兵拘留于真州忠
勇軍營經上書及移文執政辯論皆不報仍令
捷鏑館所塹垣柵棘驛吏防守嚴逾獄犴介佐
不能堪經語之曰將命至此死生進退聽其在
彼守節不屈盡其在我但公等不幸湏忍死以
待天時人事宋祚殆不遠矣衆感其言皆自振
勵帝聞有北使詢之似道奏和議出彼謀豈容
一切輕徇倘以交隣國之道來當令入見姦邪
欺君誤國一至於此皆人君偏聽之故也使人
人皆得言之豈至是哉且似道身為宰輔國亡
吾身豈能獨存自以為巧而不知其至愚也蓋
鄙夫小人徒知目前之富貴其處心積慮若禍
患及身則奉頭鼠竄賣國投降無不可為矣且
郝經尚知宋祚不遠惟宋之君臣獨不知之方
且般樂怠教日事虛文亦獨何哉

是年高麗王暉卒元封其子僖為高麗王錫以虎

符

熒惑入南斗留五十餘日

元以西僧八思馬授以王印統釋教

八思馬即班彌恒拔思發也土波國人敏悟過人年十五自其國來見元世祖于潛邸即被尊寵

辛酉

追封張栻華陽伯呂祖謙開封伯從祀孔子廟庭

徙吳潛于循州丁大全貴州

知瀘州劉整與賈

似道有隙慮其搃撫率所部叛降于元其參謀許彪孫不肯草表合門仰藥死整素稱驍將自是邊境之禍日深

元命有司歲時月朔釋奠宣聖廟及管内書院

元以史天澤為中書右丞相王恂為太子贊善

元以長子燕王真金守中書令領樞密使

高麗王僖更名植遣世子悛奉表于元

元初立翰林國史院王鶚請修遼金二史

姚樞請以儒人楊庸教孔顏孟三氏子孫詔立

諸路提舉學校元以賽典赤為平章政事

元以許衡為國子祭酒

元賜慶壽寺海雲寺各陸地五百頃

元封陳光昺為安南王

壬戌

賜賈似道第宅于集芳園給緡錢百萬建家廟

元江淮都督李壇以山東郡縣叛元來歸封齊郡

王復其父李全官爵

賈似道遣人毒殺吳潛于循州

賈似道必欲置吳潛死遣武人劉宗申守循潛防之鑿井卧榻下毒無從入宗申開宴屢辭不

數日移庖過潛遂得疾潛曰吾其死矣夜必風

雷大作已而果然

竄丁大全于新州道死

丁大全與貴州游翁明孟酒失色游愬大全通

蠻為變廣西經畧朱禩孫希似道旨以聞改竄

新州土牢拘管似道復諷禩孫遣官護送過藤

州擠溺水死按丁大本亂政小人死亦宜矣

但宰相報復私讐所司之承望風旨可以為世

道戒故備錄之

李壇復降元誅之

癸亥

賈似道以國計不足置買公田以官領之

元以姚樞為中書左丞廉希憲為中書平章政事

元始建太廟 元誘呂文德置榷場于樊城

甲子

元至元元年

增公田于平江諸路 彗星出柳光燭天中外上
書乞罷公田賈似道求去勉留之 臨安學生葉
李蕭規上書詆賈似道專權誤國黥配遠州
建寧府教授謝枋得考試宣城摘賈似道政事為
問漕使陸景思上其稿於似道左司諫舒有開劾
枋得怨望毀謗大不敬竄興化軍 冬十月帝崩
在位四十一年壽六十一葬永穆陵咸淳二年謚
建道備德大功復興烈文仁武聖明安孝皇帝廟
號理宗嗣太子禛即位是為度宗十二月改明年
為咸淳元年

是年元阿里不哥自歸于上都釋之止誅其黨與
元以燕京為中都大興府八月改元至元
十一月元以伯顏為中書左丞相以阿合馬中書
平章政事

按宋理宗首明濂洛之學黜王安石從祀故謚
曰理宗大不然是時金酋雖滅蒙古強盛已有
併吞江南之勢不思明其政刑任賢使能選將
練兵以禦外侮而日惟崇事虛文以為粉飾之
具兼以姦臣相繼擅權擯斥忠良功賞不明以
致豪傑之才反為夷狄所用此又其失之大者

知理學者固如是乎

乙丑宋度宗咸淳元年

葬理宗永穆陵 加賈似道太師魏國公授鎮東節度使 以江萬里參知政事

元以蒙古人充各路達魯花赤漢人充總管回回充同知未為定制 元以安童為右丞相伯顏為左丞相 元召許衡議中書省事

丙寅 賈似道以去要君帝涕泣拜留之江萬里以身掖帝曰自古無此君臣禮似道忌之 江萬里乞祠祿不允以湖南安撫使兼知潭州 賈似道當國

臺諫悉用庸懦易制者彈劾不敢自由惟取遠州大守州縣小官毛舉細事而已

是年元自襄陽開互市集城置堡江心起萬人臺立撒星橋襄樊無援兵威益振

丁卯 祀天地于園丘 立皇后全氏 以顏回曾參孔

伋孟軻配享孔子升顓孫師于十哲列邵雍司馬光從祀 以賈似道平章軍國重事三日一朝治事 程元鳳為右丞相尋罷以葉夢鼎為右丞相俱兼樞密使留夢炎為樞密使

元許衡謝病還懷孟 元平陽路僧官妖言惑衆

誅之 元珣御榻成置瓊華島廣寒殿 元勅上都重建孔子廟

戊辰

留夢炎罷 元兵圍襄陽

西域人進萬年曆于元

己巳

葉夢鼎乞致仕不待報而去 以江萬里馬廷鸞

為左右丞相兼樞密使 元兵圍襄陽呂文德悔

置權場於樊城疽發背卒 賈似道以壻范文虎

總帥禁兵

元新製蒙古字頒行天下 元始定官制

元加號西僧八思巴為大寶法王廉希憲不受戒

高麗權臣林衍廢其主王植而立安慶公浟元發兵討之

庚午

江萬里罷 詔賈似道十日一朝不拜似道日坐

葛嶺作半閒堂多寶閣與姬妾淫樂門客稱頌功

德尊為周公一日帝問襄陽圍已三年柰何對曰

北兵已退陛下何從得此帝曰適有大嬪言之似

道詰其人誣以他事賜死由是無敢言者

元廉希憲罷以阿合馬平章事 元以許衡為中

書左丞相

辛未

元始建國號

元分兵寇嘉定諸路

范文虎救襄陽至鹿門而遁

元許衡上書論阿合馬以衡為集賢大學士兼國子祭酒選蒙古漢人子孫及俊秀者充生徒

元令蒙古官子弟好學者兼習筭術

元以史天澤平章軍國重事 冬十一月元始建

國號曰元 元併尚書省入中書省阿合馬同平

章尚書省事張易並中書平章政事

元復立王植為高麗王

壬申 張順張貴救樊襄戰死

秋九月有事明堂遂朝享景靈宮大雨賈似道期帝雨止升輅胡貴嬪兄顯祖請帝乘逍遙車還宮賈似道大怒去位詔出貴嬪為尼乃還

度宗一出入不由於賈似道遂大怒去位直待黜貴嬪為尼而後止似道脅主之威甚矣度宗暗弱如此何以為國哉

從賈似道請加太學餐錢寬科場恩例

按宋於是時強敵在外國勢日蹙而方且加大學餐錢寬科場恩例從事虛文如此惡得不亡召葉夢鼎入相固辭不至

元改中都為大都

癸酉 樊城陷范天順縊死牛富赴火死裨將王福亦死

襄陽久困援絕呂文煥降于元 罰范文虎不援

襄陽止降一官仍知安慶府 安南王進方物賜

金五百兩帛百疋

元立弘吉刺氏為皇后長子燕王真金為太子

元遣使持金十萬兩往獅子國市藥 元會高麗

伐日本 元許衡致仕課耕力學化導懷孟有老

僧德公年百餘歲自云羞見祖宗于地下命其徒

還俗

甲戌 春正月賈似道母死以天子鹵簿葬之即起復入

朝太學博士率諸生上書諫貶官 江萬里罷

以留夢炎知潭州兼湖南安撫使

秋七月帝崩年三十五謚端文明武景孝皇帝廟

號度宗子嘉國公焯即位年四歲謝太后臨朝封

庶長兄昞為吉王昺為信王以明年為德祐元年

詔賈似道獨班起居 天目山崩水溢安吉餘杭

溺死者不可勝計

元改荆湖淮西二行樞密院為行中書省伯顏史

天澤並為左丞相阿木平章政事呂文煥叅知政

事行中書省於淮西大舉入寇

詔天下勤王以賈似道都督諸路軍馬開府臨

安以孫虎臣總統諸軍以王燭章鑑為左右丞

相兼樞密使度宗梓宮至浙江竢潮江潮失期

日晡不至元兵入黃州知州陳奕降

元使臣郝經以帛書繫鴈足寄回

其書曰霜落風高信所如歸期回首是春初上

林天子援弓繳窮海纍臣有帛書中統十五年

九月一日放鴈獲者勿殺國信大使郝經書于

真州忠勇營新館蓋是時南北隔絕尚不知改

年號至元也按漢蘇武鴈足帛書乃假設之辭

郝經乃真有此事故附于此

元史天澤卒

按史天澤出入將相五十年柱石四朝師表百

辟視富貴權勢歛跡退避若將免之故能善始

令終為開國元臣夫以夷狄之君而有此臣堂

堂中國乃任一似道天之興廢豈偶然哉

乙亥宋帝焜德祐元年

葬度宗永昭陵沿江制置副使陳奕以黃州降

于元又誘其子陳巖以漣州降

劉整以元兵攻無為軍不克呂文煥舟師東下所
至迎降整發憤死 賈似道以呂師夔叅贊都督
府軍事師夔降于元以知江州 范文虎以安慶
降于元以為兩浙大都督 元兵入安慶通判夏
倚仰藥死

元兵至池州知州王起宗先期棄官去通判趙昂
發攝州事都統張林諷昂發迎降昂發不從與妻
雍氏同縊死于從容堂伯顏至張林開門降伯顏
聞昂發已死深嘆惜之具棺塋祭而去

賈似道抽諸路精兵一十三萬金帛輜重舳艫相
銜百有餘里遣人通呂師夔議和召汪立信為沿
江招討使初襄陽既失立信上三策似道中以危
法廢之至是聞召即至似道問所向荅曰今江南
無一寸乾淨土我去尋一片趙家地死得分明後
至高郵聞賈似道師潰扼吭而卒

賈似道師次蕪湖遣人以荔子黃柑遺伯顏復遣
宋京稱臣納幣不許與元兵遇于丁家洲敗績奔
魯港夏貴不戰而遁似道與孫虎臣單舸奔揚州
溺死者不計其數軍資器械悉為元兵所得乘勝
東下

元兵入饒州知州唐震死之故相江萬里全家入
止水池死

賈似道疏請遷都王爚以不能與大計去召還為
浙西江東宣撫使居京師備咨訪 張世傑將兵
入衛 江西提刑文天祥起兵勤王 始遣總管
段祐送元使臣郝經還經至燕卒虞人獲鴈于汴
得所寄帛書

陳宜中乞誅賈似道詔罷似道平章都督予祠宜
中本似道黨疑似道已死故有此疏 右丞相章
鑑遁以王爚為左丞相陳宜中右丞相俱兼樞密

使罷章鑑予祠 有二星闔于中天一星隕

加呂文福保寧軍承宣使趣入衛文福殺使者降
于元文福呂文煥兄也 左司諫潘文卿右正言

李可同知樞密魯淵子兩浙轉運副使許自浙東
安撫王霖龍相繼遁僉樞密文及翁同僉倪普諷
臺臣劾已章未上先遁

初張晏然降元乞存宋祚元遣兵部尚書廉希賢
持國書來至是至獨松關守將張濡殺之

江陵宣撫使朱禩孫制置使高達以城降元
以王爚平章軍國重事一月兩赴經筵五日一朝

陳宜中左丞相器夢炎右丞相俱兼樞密使都督諸路兵 贈處士王栢承事即何基謚文定

張世傑兵敗于焦山 賈似道自劾為夏貴孫虎

臣所誤乞保餘生令李庭芝津送還越終制以王

燭論降三官謫婺州婺人逐之徙建寧以方回論

安置循州時福王與芮為浙東安撫大使素怨似

道募有能殺之者會稽尉鄭虎臣亦與似道有隙

遂遣監押在途窘辱備至至漳州木綿菴拉殺之

後陳宜中至福州捕虎臣斃于獄 京學生劉九

臯等伏闕上書言陳宜中擅權誤國宜中棄位逃

去遣使四輩召之不至人以為王燭所使罷燭為

醴泉觀使尋卒 以留夢炎為左丞相陳宜中右

丞相俱兼樞密使

元兵至常州招降不聽伯顏怒命降人役城外居

民運土為壘併人築之又殺民煎膏以為砲日夜

攻之而城守益堅二日城破屠其民止存三五人

統制王安節不屈而死知州姚訔通判陳炤俱戰

死劉師勇潰圍奔平江

以陳文龍參知政事兼知樞密院 以夏貴為樞

密副兩淮宣撫不奉詔 以謝坊得為江西招諭

使知信州

元師破獨松關張濡遁

左丞相留夢炎遁 遣柳岳如元師哀請禮不伐

喪又求封小國俱不聽 文天祥僉書樞密院事

是年元遣禮部侍郎杜世忠兵部郎中何文著賚

書日本國

十二月元群臣上其主尊號曰憲天述道仁文義

武大光孝皇帝

按賈似道專權誤國宋不能明正其罪棄諸市而鄭虎臣拉殺之亦足快一時之忿陳宜中乃

為之復讐何耶

丙子德祐二年五月以後宋端宗景炎元年

元兵圍潭州兩月城將陷知州事湖南安撫李芾

謂其帳下沈忠曰我力竭當死雖家人亦不可辱

俘汝盡殺之而後殺我忠伏地辭不能固命之乃

泣諾取酒飲其家人盡醉徧刃之芾亦引頸就刃

忠縱火焚其居歸殺其妻子還至火所自刎 知

衢州尹穀寓城中為二子行冠禮畢舉家自焚叅

議楊震赴園池死幕僚陳億孫楊庭焱皆死軍民

聞之咸舉家自盡城魚虜井縊林木者相望元旦

守將胡繼明劉孝忠以城降自是湖南軍州俱陷
 僉樞密黃鏞叅知政事陳文龍遁 以吳堅為左
 丞相兼樞密常懋叅知政事日午宣麻文班止六
 人常懋尋遁以夏士林代亦遁 文天祥知臨安
 府 陸秀夫如元師乞稱姪納幣及稱姪孫俱不
 許遣監察御史劉岳奉表稱臣上元主尊號曰仁
 明神武皇帝歲奉銀絹二十五萬乞存境土
 元兵入安吉州知州趙良淳自經死
 進封吉王昞為益王判福州信王昺為廣王判泉
 州 召留夢炎不至以為江東西湖南北宣撫大

使

元兵至臯亭山文天祥張世傑請移三宮入海而
 帥衆背城一戰陳宜中不許白太皇太后遣監察
 御史楊應奎奉璽迎降陳宜中夜遁 張世傑劉
 師勇蘇劉義各以所部兵至海上 駙馬都尉楊
 鎮等奉二王楊淑妃奔婺州 以文天祥為右丞
 相與吳堅同赴元軍營伯顏執天祥止遣堅還
 春二月日中有黑子二星大如鵝卵闔于中天一
 星隕 以賈餘慶為右丞相兼樞密劉岳同僉與
 吳堅家鉉翁謝堂克祈請使如元軍堂迺回

是時元分兵屯浙江沙上潮三日不至

元遣范文虎追益廣二王不及執楊鎮以還楊亮節等負二王及楊淑妃徒步匿山中七日統制張全義以兵數十追及同走温州江心寺陸秀夫蘇劉義繼至召陳宜中于清澳張世傑于定海俱至夏貴以淮西降于元

春三月元伯顏自湖州市入巡臨安城觀浙江潮登獅子峯覽形勝以臨安為兩浙大都督府改臨安府為杭州府宣元主詔免牽羊繫頸以帝羃及全太后福王與芮度宗母黃氏楊鎮謝堂高應松庶僚三學生俱北行太學生徐應德與二男一女俱赴井死

楊州制置使李庭芝都統姜才真州苗再成謀奪駕不克夏五月乙未朔陳宜中等立益王昀為帝年九歲是為端宗改元景炎冊楊淑妃為太后聽政遙尊帝羃為孝恭懿聖皇帝升福州為福安府進封廣王為衛王以陳宜中為左丞相兼樞密陳文龍劉輔叅知政事張世傑為樞副陸秀夫直學士院蘇劉義主管殿前司召李庭芝為右丞相姜才為保康軍承宣使王剛中知福安府楊

亮節為福建處置使 詔江西制置使趙潛招諭
 使吳浚等分道出師以圖興復 文天祥自鎮江
 亡歸入真州與苗再成圖恢復時浪傳為元說降
 揚州李庭芝不納泛海自温州至以為右丞相兼
 樞密招豪傑于江淮開府南劔州經畧江西
 帝熈至燕授開府儀同三司檢校大司徒封瀛國
 公家貲在杭者輦至京師付之後為僧號合尊大
 師全太后為尼於正智寺太皇太后謝氏以疾後
 至封壽春郡君熈七年而終
 劉黼赴召至羅浮卒

陸秀夫與陳宜中不合諷言者劾罷謫潮州

宋是時郡邑俱望風降元朝臣遁去已盡賴張
 世傑數君子扶幼主於顛沛流離之中而陳宜
 中又以忌心排去善類匪特宜中不忠言者亦
 非人也

元峻都陷衢州留夢炎降于元 元阿朮以宋太
 皇太后手詔諭李庭芝降且曰吾與嗣君已臣伏
 卿尚欲為誰守庭芝不奉詔射殺使者守益堅至
 是與姜才俱應召制置副使朱煥即以城降庭芝
 走入泰州元兵追及泰州裨將孫貴吳惟孝開門

迎元兵入庭芝投蓮池不死與姜才俱被執不屈
阿木憐才未忍殺朱煥請殺之自是淮東盡陷

元兵入真州苗再成亦死 元兵入建寧陳宜中

張世傑奉帝航海至泉州招撫使蒲壽庚作亂走
潮州復至惠州甲子門上表乞降于元

福建招捕使王積翁知福安州王剛中俱降于元
知興化軍陳文龍被執不屈械至杭不食而死

元阿里海牙兵圍靖江都統馬堅城守不下元主
詔諭之不聽以水為固元兵築堰上流決東南埭
以涸其隍城遂破堅率兵巷戰傷臂被執斷其首

猶握拳奮擊起立踰時始仆阿里海牙盡坑其民
廣西州郡俱陷

是時宋之郡守望風而降甚衆擇其可惡者書
之死節者亦衆擇其尤烈者書之

是年元分江南人為十等以儒第九次于匠倡之
後 命太子贊善王恂與江南日官造新曆

高麗王王惓更名昡告于元

丁丑 文天祥復梅州敗元兵于零都至興國為元兵所
敗妻歐陽氏男佛生環生二女皆被擄去趙時賞
詭言姓文被執不屈而死天祥與長子道生奔循

州 陳文龍從子陳瓚復興化軍殺元守臣林華
復被唆都以兵破之屠其城血流有聲瓚被車裂
以死

宋帝遷舟于潮州之淺灣 復召陸秀夫同僉樞
密院事

元兵襲淺灣帝遷于秀山復入海至七州洋欲往
占城陳宜中請先往諭意遂不返

十二月帝遷舟井澳遇颶風舟壞幾死遂成疾軍
士死者十四五

是年元以漢張道陵三十六代孫張宗演為嗣漢

天師演道靈應冲和真人領江南道教命百官郊
勞待以客禮 以西僧楊璉真加總攝江南釋教

思州田景賢播州楊邦憲俱降于元

安南國王陳光昺卒子日烜立

羅施國降于元 元伐緬

戊寅宋帝昺祥興元年

元降封宋福王與芮為平原郡公 元唆都陷潮
州屠其民知州馬發死之

宋帝遷舟于化州之硎州 曾淵子自雷州至以
為叅知政事 夏四月宋帝崩年十一歲號端宗

諸臣欲散陸秀夫不從復立衛王昺年八歲黃龍
見于海中改元祥興升碇洲為龍翔縣 夏六月
徙新會之厓山葬端宗入山伐木蓋行宮升廣州
為祥興府官民兵尚二十餘萬資糧取辦于廣右
諸郡海外四州

元封泉州女神林氏為天妃

八月有大星墮于海中小星千餘隨之

加文天祥少保信國公張世傑越國公天祥自劾
乞入朝優詔不許時天祥母沒長子亦亡 九月
葬端宗于厓山

冬十一月文天祥被元將張弘範執于五坡嶺
十二月黃河清八千餘里澄瑩見底數月始如故
是年元以許衡領太史院事

元封伯夷為昭義清惠公叔齊為崇義仁惠公
西僧楊璉真加發宋陵寢

長興金沙泉不常出元祭之一夕水溢可溉田千
畝封瑞應泉

巳卯 春二月戊寅朔張弘範襲厓山張世傑兵潰陸秀
夫負帝昺赴海死楊太后亦赴海世傑收兵海陵
山舟覆而死宋遂亡

宋自太祖至欽宗九主一百六十八年南渡後
夫亦九主一百五十二年共三百二十年而亡

元建司天臺于大都 定州郡社稷祭祀制度

西僧八思巴死賜號皇天之下一人之上宣文輔

洽大聖至德普惠真智祐國如意大寶法王西天

佛子大元帝師

冬十月文天祥至燕

人代紀要卷之二十七

人代紀要卷之二十八

明吳興顧應祥編集

大埔黃宸校刊 江陰湯明善校正

庠生倪佩 臧繼華同校

庚辰元世祖至元十七年

擊鬼羅氏國 遣招討都實窮河源 遣宦者咬

住訪江南高士持香詣信州龍虎臨江閣皂建康

三茅山 占城馬八兒國入貢

許衡致仕以其子師可為懷孟總管便侍養

姚樞卒 十一月行授時曆

遣范文虎及高麗王擊日本

辛巳 春正月皇后弘吉刺氏殂后名察必達於政事

許衡卒戒勿請謚立碑 擊日本十萬兵死于海

島還者三人 焚毀道書

十二月以甕吉刺帶為右丞相阿合馬為左丞相

壬午 遣諸王相答吾兒擊緬

元主如上都益都千戶王著惡阿合馬專政矯太

子命以銅鎚擊殺之王著等尋被獲棄市醢之既

而元主知阿合馬惡戮其屍縱犬食之窮治其黨

盡誅籍阿合馬家貲馬駝牛羊騾三千七百有奇

定內外官以三年為考滿未滿者不許超遷

以占城復叛遣唆都擊之不克日書天啟前二文

俱藍國貢寶貨及黑猿海外諸國俱遣使進貢

安南國貢犀兕金銀香藥

遣使括雲南金以耶律鑄為左丞相

以宋衍聖公孔洙為國子祭酒提舉浙東學校

殺宋丞相文天祥阿答忒魯克日本

徵處士劉因為贊善大夫以繼母老辭歸

始海運如

癸未 立皇后弘吉刺氏弘吉刺部初同起兵約生女為

癸未 后生男尚主故立其女是時元主老群臣不得見
后頗預政 廣州民林桂芳趙良鈐擁衆萬餘自
稱羅平國改元延康尋敗 復命高麗王晞及阿塔海發兵征日本 復擊占
城不定市舶抽分貨精者十一粗者十五 建寧路總管黃華聚衆十萬稱宋祥興年號
象山民尤宗等亦聚衆抄掠海上招降

甲申 諸王相答吾兒等擊破緬西南夷十二部俱降
右丞相和禮霍孫等上元主尊號曰憲天述道仁文

義武大光孝皇帝

遣王積翁與浦陀僧如智使日本舟人殺之

括天下私藏天文圖讖

元主惡占城叛服不常以子脫歡為鎮南王與左
丞相李恒會唆都進兵擊之仍假道安南征其糧
餉給軍 以范文虎為左丞相商量樞密院事

和禮霍孫罷復以安童為右丞相盧世榮為左丞
相 盧世榮行鈔法謂生財不擾於民御史中丞
崔彧論世榮不可相元主怒下彧于獄罷之

脫歡等征占城安南王陳日烜分兵拒之
是年宋太皇太后謝氏卒于燕

乙酉 以西僧嗣占妙高及楊璉真加言發宋會稽諸陵
五月脫歡等兵擊占城安南陳日烜拒敵遁走官
軍入其城而還唆都戰死李恒中毒矢至思明州
卒 遣使往馬八國求奇寶 復會兵擊日本
盧世榮為監察御史陳天祥所劾誅之剉其肉食
鷹獺 十二月太子真金卒

丙戌 罷征日本 命江浙湖廣江西三省伐交趾立其
族陳益稷為安南王 海外諸番入貢

丁亥 復遣脫歡等擊安南陳日烜棄城走
遣使詣龍虎閣皂三茅山設醮

初置國子監以耶律有尚為祭酒 設江南各路
儒學提舉司 葉哥以交鈔及中統元寶行人物
重鈔輕更造至元鈔每一貫視中統鈔五百文賦
罪滿二百貫者死時宋宗室趙孟頫初膺薦至首
議其非

以葉哥為尚書右丞相阿魯渾薩里平章政事
葉李為右丞馬紹為左丞

馬八兒國進奇獸似騾而巨毛黑白間名阿塔必
即

戊子 毀宋故宮為佛寺 遣宋故主焜學佛于吐蕃

陳日烜遣使請罪以金人代已罪

廣東董賢舉浙江楊鎮龍柳性英循州鍾明亮相繼兵起 河決汴梁

南臺御史劉宣為江浙行省丞相忙兀帶誣構被逮自刎 徵宋江西招諭使謝枋得不至福建叅政魏天祐執以北去 以佞臣請立葉哥輔政碑加封南海明著天妃為廣祐明著天妃

巳丑

開會通河 謝枋得至燕不食而死

台州楊鎮龍聚眾僭稱大興國 禁內外百官受人饋酒食者沒其半貲

廣東鍾明亮已降復反寇梅州

庚寅

安童罷

鍾明亮等復降徙為首至京給餘黨糧

武平地震壓死按察司總管府官及民人七千二百二十人壞倉庫民居不可勝計

辛卯

葉哥葉李免 葉哥尋伏誅葉李卒

以完澤為尚書右丞相麥木丁不忽木並平章政事尋罷尚書省并入中書

以提刑按察司為肅政廉訪司

西僧楊璉真加發宋諸陵及大臣塚墓攘取金寶

珠玉無筭又私庇民田二萬三千受美女寶物至
是以盜官物事發追問籍其妻孥田畝臺省請誅
之元主釋之仍給還財產 召劉因為集賢學士
辭不至 八月平陽地震 咱喜魯丁雪雪的斤
俱平章政事 遣使招諭流求
安南王陳日烜卒子日燇嗣立遣使徵其入朝日
燇不至

壬辰

開通惠河以郭守敬領都水監事
亦黑迷失史弼高興擊爪哇失利 麥述督丁罷
以鐵哥刺真並為平章政事

徵集賢學士楊懿恭叅議中書省事辭不至
安南入貢徵其王陳日燇不至
遣兵征八百媳婦國

改封真金長子梁王甘麻刺為晉王鎮北邊

癸巳

遣使諭暹國 敕江南毀道觀聖祖天尊
楊璉真加子為浙江行省左丞以民怨罷之
劉因卒

安南遣使入貢安置其使于江陵復議伐之
彗出紫微垣 以皇太子寶授皇孫鐵穆耳總兵
北邊 以河南行省伯顏為平章事

甲午 春正月元主殂在位三十五年壽八十謚聖德神
功文武皇帝廟號世祖國語稱薛禪皇帝塋起輦
谷夏四月太子真金第三子鐵穆耳即位尊其父
真金為文惠明孝皇帝廟號裕宗

御史大夫崔彧得玉印於木華黎之孫辨其文曰
受命於天既壽永昌以為秦璽上之至是以為傳
國璽

罷征安南釋其使 賜宋使臣家鉉翁號處士遣
還鄉錫予金幣不受

秋七月詔中外崇奉孔子 八月初祀社稷

以明年為元貞元年

乙未元成宗元貞元年

宋狀元留夢炎為翰林學士承旨告老致仕
蘭州河清三百里

丙申 不忽木為昭文館大學士平章軍國事

丁酉大德元年 二月改元

元主母后幸五臺山

增太廟牲用馬國俗行拋撒茶飯

開鐵幡竿渠 召高麗王諶入朝留之以其子
為高麗王 歲課三十取一

巳亥 遣使問民疾苦 遣僧一山往日本 以哈刺哈孫為左丞相 以兄答刺麻八刺之長子海山鎮漠北

放江南僧寺佃戶五十萬為民 省民出公田租 庚子 緬王的為其下所弒遣薛超兀兒討之 不忽木卒貧無以葬

遣雲南行省左丞劉深擊八百媳婦國 母后弘吉剌氏卒

辛丑 劉深等兵次順元激蠻酋宋隆濟等反 詔擊緬兵擊金齒諸蠻

秋八月彗出東井歷紫微天市垣四十六日而滅 增海運糧一百二十萬

壬寅 建文宣王廟于京師 龍興民訛言括童男女 癸卯 罷征緬誅劉深 哈刺哈孫為右丞相阿忽台為

左丞相 星孛于室入紫微垣約一丈七十六日 而滅 宋隆濟等平 金履祥卒

甲辰 立兄子海山為懷寧王 平陽地震 乙巳 隕霜殺葉 大同地震 始定郊祀禮

立子德壽為皇太子尋卒 命兄子愛育黎拔力 八達居懷州 給曲阜陵廟灑掃戶

丙午 詔求鷹犬 文宣王廟成

罷江南白雲宗都僧綱司

丁未 春正月元主殂在位十三年壽四十二左丞相阿忽台等與諸王明里鐵木兒等謀奉皇后伯岳吾氏臨朝以安西王阿難答攝政右丞相哈刺哈孫遣使迎懷寧王海山於漠北及其弟愛育黎拔力八達於懷州

二月愛育黎拔力八達自懷州至誅阿忽台等執阿難答等歸上都

以李孟有謀議功以為叅知政事孟辭不許遂逃去不知所之

夏五月懷寧王海山自漠北至上都即皇帝位是為武宗廢伯岳吾后并阿難答俱賜死

謚大行皇帝為欽明廣孝皇帝廟號成宗國語稱完澤篤皇帝尊其父答刺麻八為昭聖衍孝皇帝廟號順宗躋成宗上答刺麻八者世祖太子真金第二子也 以母弘吉刺氏為皇太后

立母弟愛育黎拔力八達為皇太子

封秃剌為越王右丞相哈刺哈孫以舊制非親王不得加一字之封秃剌雖有功疏屬不當封力爭

不可遂左遷哈刺哈孫為和林左丞相至鎮北邊
大治

以塔刺海為右丞相塔思不花為左丞相
加尊孔子為大成至聖文宣王

按大成雖出孟子譬諭之語然元本胡俗尊尚
佛教至是知尊孔子欲極其稱可見天理之在
人心不以華夷有間也

遣使往西域取佛經舍利

都指揮馬謀沙以角觝屢勝及教坊司伶官沙的
並平章事 賜諸王孝經 復立尚書省理財用

徵處士蕭軒為太子諭德以疾辭歸

命張留孫知集賢院領諸路道教

進封高麗王王暉為瀋陽王加太子太傅駙馬都
尉以明年為至大元年

戊申元武宗至大元年

以阿沙不花為右丞相行御史大夫事

西僧歐上都留守李璧釋不問其徒與諸王爭道
擊妃墮車亦不問

以宋宦者李邦寧為江浙平章辭不受加大司徒
左丞相 以西僧教瓦班為翰林學士承旨

改鷹坊為仁虞院右丞相領之至是築呼鷹臺

以恭虎人徹兒怯思為監察御史

以荅思不花為右丞相乞台普濟為左丞相尋為右丞相脫脫為左丞相

是年高麗王昉卒以其子王章嗣

真定淫雨大水溺死百七十七人

巳酉

越王禿剌有罪賜死皇太子諸王百官上尊號

曰統天繼聖欽文英武大章孝皇帝

定制大成至聖文宣王春秋二丁釋奠用大牢

皇太子言宣政院奉旨歐西僧者截手詈者斷舌

有乖國典乞更其令從之

質江南富民子為軍

復置尚書省以乞台普濟為右丞相脫虎脫為左

丞相三寶奴樂實平章政事

行大銀鈔立資國院鑄錢以阿散為尚書左丞

相行中書平章事

封西僧迷不韻子為寧國公賜金印

禁漢人執弓矢器仗

庚戌徵李孟入以為平章政事同知樞密

立皇后弘吉列氏以樂實為尚書左丞相

以右丞相脫虎脫左丞相三寶奴總百司庶務
賜高麗國王章改封藩王 賜角觝者阿里銀千

兩鈔四百錠 襄陽陝州荆門大水山崩壞官民
居二萬一千有奇死者三千四百有餘人六安州
循州俱大水 定郊祀禮冬至祀天園丘以太祖
配明年夏至祀地方丘以世祖配

封僧亦憐真乞烈思為文國公賜金印

以阿沙不花為右丞相

馬謀沙以角觝沙的以伶官而為平章事李邦
寧以闡宦而為司徒丞相教瓦班以西僧而為
翰林學士徹兒怯思以豸虎而為監察御史元
武宗之任官如此以丞相而領鷹坊以西僧而
封國公縱其歐留守擊王妃而不問又詔歐西
僧者截手詈者斷舌元武宗之政事如此真夷
狄之俗也嗚呼士亦不幸而生于此時立于其
朝乎

辛亥 春正月元主殂在位四年壽三十一葬起輦谷謚
仁惠宣孝皇帝廟號武宗國語稱曲律皇帝

皇太子罷尚書省誅脫虎脫三寶奴樂實保八王
罷流忙哥鐵木兒于海南罷白雲宗總攝所及各

處僧官以僧人訴訟悉歸有司

以鐵木迭兒為右丞相完澤李孟平章事召先朝舊臣程鵬飛等十五人

以諸王朝會普賜金三萬九千六百五十萬銀一百八十四萬九千五十兩鈔二十二萬三千二百錠有奇幣帛四十七萬二千四百有奇

三月太子愛育黎拔力八達即位是為仁宗以明年為皇慶元年

遣宦者李邦寧釋奠孔子忽大風起殿上及兩廡燭盡滅燭臺底鐵鑄入地尺許邦寧悚息伏地良久始息成禮

罷至大銀鈔銅錢

復遣兵擊八百媳婦國侍御史趙世延諫不聽

壬子元仁宗皇慶元年

春二月徙大都路學周宣王石鼓于國子監

以阿散為左丞相以吳激為國子司業

李孟罷以張弘範子張珪為平章事

癸丑 鐵木迭兒罷以秃忽魯為右丞相

春三月立后弘吉刺氏 慧出東井

建崇文閣于國子監以宋儒周敦頤程顥程頤張載邵雍司馬光朱熹張栻呂祖謙及許衡從祀孔

廟以相見加思巴爲帝師死以公哥羅古羅思
監藏班藏卜嗣其位 阿里馬丁上所編萬年曆
高麗王辭位以其世子王燾爲征東行中書省左
丞相上柱國封高麗王

始議科舉以皇慶三年八月天下郡縣與其賢能
充貢次年二月會試京師中選者親試于廷

甲寅延祐元年

春正月改元延祐 求遺逸 勅宦者勿得授文
階 以阿散爲右丞相自言非世勲不可居右復
以鐵木迭兒爲右丞相阿散爲左丞相

復以李孟平章政事 定官民車服之制蒙古人
不禁

經理江浙江西河南民田盜賊蜂起

乙卯

春二月始會試舉人以李孟知貢舉三月廷試進
士以蒙古色目人爲右榜以護都杏兒爲第一漢
人南人爲左榜以張起巖爲第一共五十六人及
第出身有差賜恩榮宴於翰林院

加特進上卿玄教大宗師張留孫開府儀同三司
秦州成紀縣山移

授宦官中尚卿續元暉昭文館大學士

仁宗纔勅宦官勿得授文階未及一年又自背之政令不一如此

贛州蔡九五兵起僭稱王號平之

授白雲宗主沈明仁榮祿大夫司空

頒農乘輯要 客星變為彗犯紫微垣

以武宗長子和世琫為周王出鎮雲南

初武宗既立弟愛育黎拔力八達為太子丞相

三寶奴復勸立和世琫召康里脫脫言之脫脫

曰太弟曩定宗社居東宮已久兄弟叔姪世世

相承孰敢紊其序乎三寶奴曰今日兄以授弟

異日能保叔授姪乎脫脫曰在我不可渝彼失

其信天實鑒之至是議立太子丞相鐵木迭兒

等與太后謀遂封和世琫為周王出鎮

丙辰 太史令郭守敬卒 張珪被皇太后杖謝病歸

追封孟軻父為邾國公 以趙孟頫為翰林學士

承旨

冬十二月立子碩德八剌為太子

和世琫逃居漠北

丁巳 平章事蕭拜住與御史中丞楊朵兒只糾正鐵木

迭兒姦貪誤國之罪鐵木迭兒逃入太后宮止罷

相遷揚朶兒只集賢學士

以阿散爲右丞相辭仍爲左丞相以伯答沙爲右丞相李孟罷

戊午

追封楚屈原爲忠節清烈公

寫金字維摩經給金三千兩歲經給金九百兩銀一百五十兩

初宣徽院歲會內廷佛事之費麵四十三萬九千五百斤油七萬九千斤酥蜜五萬餘斤至是僧徒冒利歲費不知幾倍

增江南茶稅二十八萬九千餘錠竭山谷之產不能充其半皆鑿空取于民

己未

太陰犯房昴復犯心 特授僧徒吉祥大司徒文吉祥開府 鐵木迭兒寅緣爲太子太師御史中丞趙世延劾之以太后庇不聽

追封宋儒周敦頤爲道國公

庚申

春正月元王殂在位十年壽三十六謚聖文欽孝皇帝廟號仁宗國語稱普顏篤皇帝太子居喪盡禮 伯答沙罷 太后復以鐵木迭兒爲右丞相白雲宗總攝沈明仁賊敗給還強奪民田二萬頃擅度僧四千八百人俱復爲民

鐵木迭兒以太后旨誣殺蕭拜住楊朶兒只籍其家又奪朶兒只妻劉氏剪髮毀容始免

三月太子碩德八剌即位是為英宗以明年為至治元年尊祖母弘吉剌氏為大皇太后母弘吉剌氏為皇太后加鐵木迭兒太師

鐵木迭兒讒構李孟奪其封爵左遷集賢侍講學士阿散罷以拜住為左丞相

拜住安童之孫也英宗為太子時聞其賢召之不往見至是以太常儀禮使擢平章政事進左丞相

平章事黑驢御史大夫禿禿哈被人告其謀廢立元主恐出太后意俱不鞫殺之籍其家

鐵木迭兒誣趙世延下獄以登極賚諸王百官金五千兩銀七十八萬兩鈔一百二十一萬貫有奇幣帛木綿布匹衣鞍勒弓矢俱數萬

詔各郡建帝師思八殿脩祕密寺是年夏四月周王和世琜子妥懽帖睦爾生人為非其子

十二月以明年為至治元年

辛酉元英宗至治元年

以諫張燈賞中書叅議張養浩金幣以旌其直
以諫造佛寺殺監察御史觀音保鎖咬兒哈的迷
失竄成珪李謙亨於奴兒于地

以僧法洪為司徒釋源宗主 遣呪師朶兒只往
牙濟班卜二國取佛經

製御服珠袈裟 以鐵矢為御史大夫領侍衛

遷武宗次子圖帖穆爾于海南 作金浮屠于上

都藏舍利 授龍虎山道士張嗣成太玄輔化體

仁應道大真人 蓋屋縣僧圓明作亂

郟陽道士劉志先以妖術作亂

十一月群臣上尊號曰繼天體道敬文仁武大昭

孝皇帝 命帝師往西番受具足戒賜金千三百

五十兩銀四千五十兩幣帛萬匹鈔五十萬貫

立皇后亦啓烈氏

作壽安山寺佛像冶銅五十萬斤

英宗張燈廣行宮俱納諫惟造寺不受諫溺于
信佛故也

壬戌 以西僧羅藏為司徒 趙孟頫卒 鐵木迭兒以

元主見踈稱疾不出至是死

太皇太后弘吉刺氏卒

鐵木迭兒死其子八思吉思為宣政院使受司徒
劉夔冒獻田地誅之籍其家

杖南臺大夫康里脫脫謫雲南 以西僧羅藏為
司徒 以拜住為右丞相

有言佛教可治天下者元主以問拜住對曰清
靜寂滅自治可也若治天下捨仁義則綱常亂
矣夫胡俗專重佛教拜住獨能知此豈非超于
風氣之外者乎

癸亥 以拜住薦以趙居信為翰林承旨吳澄為翰林學
士 釋趙世延

封鷹師不花為趙國公 追奪鐵木迭兒官爵沒
其家貲 勅寫金字藏經 命僧誦經十萬部作
水陸佛事釋罪囚放籠禽十萬

減海運糧二十萬併免鐵木迭兒所增江淮糧

秋八月元主自上都還駐蹕南坡御史大夫鐵失
與知樞密也先帖木兒大司農失禿兒前平章政
事赤斤鐵木兒鐵木迭兒之子治書侍御史鎖南
等及諸王按梯不花等謀逆殺丞相拜住元主潛
於卧榻下鐵失執出折其腰而弑之在位四年壽
二十一泰定元年謚睿聖文孝皇帝廟號英宗國

語稱格堅皇帝按梯不花等迎晉王也遜鐵木兒于北邊

秋九月晉王也孫帖木兒即位于龍居河是為泰定帝

也孫帖木兒者世祖長子真金之長孫晉王甘麻刺之長子也初世祖以長孫甘麻刺鎮北邊既而封梁王鎮雲南改封晉王仍鎮北邊生子也孫帖木兒其長也嗣晉王

以也先帖木兒為右丞相鐵失知樞密院尋以諸王買奴言誅也先鐵木兒鎖南禿滿等於行在所命旭邁傑紐澤入京師收鐵失等諸逆黨悉誅之流諸王與謀者于邊地

追尊父晉王甘麻刺為光聖仁孝皇帝廟號顯宗盜竊太廟神主封買住為奉寧王

以倒刺沙為中書左丞相

以明年為泰定元年

甲子元晉王泰定元年

春二月修佛事命僧百八人及倡優百戲導帝師遊京城上大行皇帝謚曰睿聖文孝皇帝廟號英宗以國言號格堅皇帝

立八不罕氏為皇后 阿速吉八為皇太子

以皇子八的麻亦兒間卜嗣晉王受佛戒於帝師

封廣德祠山神曰普濟

封圖帖睦爾為懷王徙雲南王禪為梁王

乙丑 圖帖睦爾出居建康 張養浩為御史中丞

息州郭菩薩妖言彌勒佛當有天下作亂平之

皇后受佛戒于帝師 立諫議書院于昌平祀劉

蕡 以塔失鐵木兒為右丞相

丙寅 徵吳澂不起 修醮事於龍虎三茆閣皂三山

和世琜子懿璘質班生

丁卯 建橫渠書院于郿縣祀張載 遣使往江南求奇

花異果 封建德烏龍山神忠顯靈澤普佑孚惠

王

戊辰政和元年

春二月改元 受無量佛戒于帝師

封洞庭神忠惠順利靈濟昭祐王 封唐柳州刺

史柳宗元文惠昭靈公 西僧陳慶安作亂廣西

僭號改元

夏四月禁蒙古色目人不許效漢人居喪

秋七月元主殂于上都在位五年壽三十六

太子阿速吉八即位于上都改元天順

大都留守燕帖木兒執臺省臣烏伯都刺等下獄

遣使迎圖帖睦爾九月自江陵入大都自立是為

文宗改政和元年為天曆元年大赦詔天下曰謹

俟大兄之至以遂固讓之心封燕帖木兒為太平

王右丞相知樞密院賜黃金印玉盤龍衣珠衣寶

珠金腰帶海東青白鶻

封漢關羽為顯靈義勇武安英濟王

冬十月圖帖睦爾陷上都倒刺沙等出降阿速吉

八不知所終遣使迎其兄和世球於漠北

是年秋九月

大明太祖高皇帝生于濠梁之鍾離鄉

入代紀要卷之二十九

明吳興顧應祥編集

大埔黃宸校刊江陰湯明善校正

庠生倪佩

臧繼華同校

巳巳元明宗

元文宗天曆二年

春正月周王和世琜立于和寧之北是為明宗

二月圖帖睦爾立雍吉剌氏為皇后和世琜遣

使立圖帖睦爾為皇太子

秋八月和世琜次旺忽察都地圖帖睦爾入見宴

于行殿暴崩年三十謚翼獻景孝皇帝廟號明宗

國語稱忽都篤皇帝升英宗之上

圖帖睦爾復即位于上都 以伯顏為左丞相

建龍翔集慶寺于建康 授乳媪夫幹耳朶大司

徒印 以西僧輦真吃刺思為帝師大臣俯伏進

觴不動國子祭酒孛朶魯朶不拜

以張養浩為西臺御史中丞尋卒揭傒斯為奎章

閣授經郎 祀周文憲王於鳳翔岐陽書院如孔

子廟儀 封大都城隍神為護國保寧王加封天

妃為護國庇民廣濟福惠明著天妃廟額曰靈慈

建顏子廟於曲阜所居陋巷

是年高麗王燾請傳位於其子禎

庚午至順元年

春二月封明宗子懿璘質班為郈王年五歲

罷左丞相以伯顏知樞密院

夏四月皇后弘吉刺氏與宦者拜住謀殺明宗后

八不沙 徙妥懽帖睦爾于高麗大青島中詔天

下以明宗自謂非其子後徙居靖江

夏五月群臣上尊號曰欽天統聖至德誠功大文

孝皇帝改元至順

加封孔子父叔梁紇為啓聖王母顏氏啓聖夫人

顏子充國復聖公曾子邠國宗聖公子思沂國述聖公孟子鄒國亞聖公程顥豫國公程頤洛國公以董仲舒從祀孔子列七十二子之下

立燕王阿剌忒納答刺為太子尋卒

辛未 給衍聖公三品印 以皇子古剌答納養于燕帖

木兒家更名燕帖古思育燕帖木兒之子塔刺海于宮中賜居第貲產 翰林學士吳澂卒

壬申 冬十月以後元寧宗

高麗王燾疾愈復為王 安西王阿難答子月魯帖木兒與畏兀僧國師謀反伏誅籍其家

追封顏子父無繇杞國公謚文裕母齊姜氏杞國夫人謚端獻妻宋戴氏充國夫人謚貞素

秋八月元主殂壽二十九在位五年元統二年謚曰聖明元孝皇帝廟號文宗國語稱札牙篤皇帝以文宗遺命立明宗次子懿璘質班年七歲十月四日即位十一月殂至元四年謚曰冲聖嗣孝皇帝廟號寧宗

春寧宗既殂燕帖木兒請立燕帖古思文宗后曰吾子尚幼妥懽帖睦爾在靖江今年十三矣且明宗長子於理當立乃遣人迎之至京燕帖木

兇遲疑未立

癸酉元順帝冬十月改元元統

春三月燕帖木兒卒

夏六月妥懽帖睦爾即位年一十四是為元順帝

以伯顏為太師中書右丞相撒敦為太傅左丞相

以燕帖木兒女伯牙吾氏為皇后

十月改至順四年為元統元年

奎章閣侍書學士虞集謝病歸

以燕帖木兒子唐其勢襲封太平王

成紀縣地裂山崩

甲戌 是年天雨血又雨毛

太白屢經天

京師地震鷄鳴山崩陷為池方百里

乙亥至元元年

唐其勢以伯顏專政謀廢立事敗伯顏併弒后伯

牙吾氏

十一月以災異迭見改世祖年號復稱至元

尊皇太后為太皇太后

丙子 尊生母邁來的為皇后 賜伯顏服珠衣

丁丑 始尊寧宗謚附廟

封晉郭璞為靈應侯

立弘吉刺氏伯顏忽都為皇后

廣東增城縣民朱光卿與石昆山鍾文明聚眾稱大金國改元赤符惠州歸善縣民聶秀卿譚景山等拜定光佛與之相結為亂

河南陳州捧胡以燒香聚眾破歸德

四川合州韓法師眾起稱南朝趙王俱討平之

禁漢人南人不得執兵器有馬者拘入官不許習

蒙古字

伯顏請殺漢人張王劉李趙五姓不從

封文始尹真人為無上太初博文文始真君徐甲

為垂玄感聖慈化應御真君 庚桑子洞靈感化

超蹈混然真君 文子通玄先暢昇元敏誘真君

列子冲虛至德遁世遊樂真君 莊子南華至極

雄文弘道真君

是年太白屢經天犯太微垣白虹貫日彗星大如天船自昴至房歷十五宿京師地震太廟梁柱俱裂

戊寅 漳州李志甫等作亂 京師地震

巳卯 杞縣盜范孟殺河南平章政事

以伯顏為大丞相

庚辰

伯顏專恣元主不能堪其弟馬札兒台之子脫脫密謀黜伯顏河南行省左丞道死

以馬札兒台為太師右丞相脫脫知樞密院

揭傒斯為奎章閣供奉學士

夏六月廢文宗廟主遷其后不答失里于東安州幽死放其子燕帖古思於高麗殺諸途

封漢張飛為武義忠顯英烈靈惠助順王

尊皇考明宗為順天立道睿文智武大聖孝皇帝以至元七年為至正元年

馬札兒台辭仍為太師以脫脫為右丞相

扎魯忽赤鐵木兒不花為左丞相以孔克堅襲

封衍聖公

辛巳至正元年

湖廣道州蔣丙何仁甫等稱順天王谿洞徑寨亦作亂山東燕南寇盜縱橫三百餘處

是歲通泰崇明等州海溢

壬午

開京師金口河惠州羅浮山崩

拂郎國獻異馬

癸未

遼陽吾者野人因捕海東青煩擾作亂

修遼金宋三史 河決白茅口 召武夷山處士
杜本不至 別兒怯不花為左丞相

甲申 復令民入粟補官 翰林學士揭傒斯卒

脫脫罷相封鄭王以阿魯圖為右丞相

乙酉 翰林學士承旨夔夔卒 丹陽雨紅霧

丙戌 夏六月汀州羅天麟等反 冬十二月靖州徃吳

天保作亂 山東京畿盜起 山東地震七日

賜平章政事賀惟一各太平以為御史大夫

胡元凡正官非國人弗授故賜惟一以胡姓名
而後授以御史大夫

別兒怯不花諷御史劾阿魯圖難居相位阿魯圖
即辭去

丁亥 以別兒怯不花為右丞相罷而復起 鐵木兒塔

識為左丞相卒以朶兒只代 通州盜起 以別

兒怯不花譖放太師馬札兒台于西寧卒 西番

及沿江兵起 別兒怯不花罷以朶兒只為右丞

相太平為左丞相 以連年水旱選臺閣名臣出

為守令

戊子 春二月立行都水監于鄆城以賈魯治河道

虞集卒 冬十一月台州方國珍兵起

巳丑 棗陽童子暴長 命皇子愛猷識理達臘習漢人

文字 朶兒只太平俱罷 以脫脫為右丞相

脫脫奏事以左丞韓元善叅政韓鏞皆漢人使退

避

庚寅 封天妃父種德積慶侯母育聖顯慶夫人 奉化

山石裂有草木山川人物禽鳥形 星大如月入北斗

辛卯 偽天完治平元年

賈魯以工部尚書為總治河防使發十三路民十

五萬十八翼軍二萬開河凡二百八十里有奇凡

五閱月功成超授集賢大學士賜脫脫世襲谷刺

罕之號 封濟瀆神為靈源神佑弘濟王

穎州劉福通與杜遵道羅文素盛文郁王顯忠韓

咬兒以白蓮教燒香惑眾妄稱彌勒佛下生詭言

樂城韓山童為宋徽宗八世孫當為中國主山童

被擒福通等勢益盛陷汝寧等府眾至十萬

蕭縣李二號芝麻李及老彭趙君用亦以燒香起

陷徐州

蘄州羅田縣人徐貞一名壽輝與麻城鄒普勝等

亦以妖術為亂俱以紅巾為號是名紅巾賊徐壽

輝據蘄水為都國號天完僭稱皇帝改元治平以

鄒普勝為太師

江浙行省左丞孛羅帖木兒討方國珍官兵不戰而潰孛羅帖木兒被執反為國珍飾詞遣大司農達識帖木兒招降授以官

壬辰

是年二月定遠郭子興等兵起破濠州我

大明太祖肇基始此耿炳文謁于軍門

方國珍復入海台州路達魯花赤泰不華往諭被殺死

徙故宋主子趙完普于沙州安置禁人交通

徐壽輝連破漢陽江州及袁瑞饒信徽諸郡遂破

杭州叅政饒執敬戰死董搏霄率兵復之

右丞相脫脫克徐州芝麻李遁去遂屠其城以脫

脫為太師立平寇碑加封王爵彭早住趙均用奔

濠州

徐州雖為芝麻李所據然民皆赤子也克賊而

自屠其民可乎

穎州沈丘人察罕帖木兒與羅山李思齊起義兵

討賊以察罕帖木兒為汝寧府達魯花赤李思齊

知府事 霍山崩

癸巳

偽周天祐元年

以第二皇子育于衆家奴家

泰州白駒場亭民張士誠據高郵自稱誠王國號

大周建元天祐誘執知府李齊不屈而死

立子愛猷識理達臘為皇太子中書令樞密使

以方國珍為徽州路治中不受仍擁船千艘阻絕

糧運 宣政院使哈麻及禿魯帖木兒等進西天

僧行房中運氣之術號演揲兒法華言大喜樂又

進西番僧伽憐真為大元國師行祕密法作天魔

舞日習淫戲 泉州天雨白絲潮日三至

是年郭子興患趙均用專入滁州稱王

甲午

汴河水五色如繪

脫脫督軍擊張士誠

以定住為左丞相瑣南班哈麻並平章事

哈麻

嗾御史袁賽不花劾脫脫削爵安置淮安以河南

左丞相泰不華代總其軍

製龍舟于內苑作刻漏玉女捧籌金甲神人自擊

金鼓

是年

大明太祖取滁州以李善長掌軍事

乙未宋龍鳳元年

春二月劉福通迎韓山童子韓林兒為帝即小明

王建都亳州國號宋改元龍鳳以其母楊氏為皇太后杜遵道盛文郁為丞相福通與羅文素為平章劉六知樞密

以定住為右丞相哈麻左丞相哈麻弟雪雪為御史大夫 監察御史也里忽都劾泰不華慢功虐民削官以谷失八都代 教授鄭咺請正國俗不報 徐壽輝將倪文俊陷中興路

谷失八都兵圍亳州劉福通以其主韓林兒走安豐竄脫脫雲南大理騰衝知府高惠欲以女事之脫脫曰吾罪人也不納惠銜之再徙阿輕乞之地惠

發兵圍之哈麻矯詔賜鴆死

是年六月我

大明太祖自和陽渡江取太平等路俱附陶安迎見定策取金陵

丙申 倪文俊迎徐壽輝據漢陽為都

哈麻耻進西僧獲罪公議與雪雪謀立太子奉元主為太上皇其妹夫禿魯帖木兒聞于上貶哈麻惠州雪雪肇州安置俱杖死

張士誠據平江改為隆平府遂陷松江湖州方國珍降以為海道運糧萬戶兼防禦海道其兄

國璋為衢州路總管

張士誠遣將破杭州江浙丞相達識帖睦爾遁寶慶土官楊完者以功官行省叅政率苗軍復之淮安城破守臣楮不華力盡而死星隕為石如狗頭新割是年春三月我

大明太祖克金陵改集慶路為應天府南臺御史大夫福壽死節鎮江廣德俱下秋七月諸將奉

太祖為吳國公張士誠攻宜興耿君用戰死子炳文代領兵

徐達敗張士誠於甘露擒其弟張士德

丁酉

詔天下團結義兵添官專率路府州縣正官俱兼防禦義兵萬戶多有叛者

宋將李武崔德破商州直趨長安三輔震恐察罕帖木兒與李思齊輕兵倍道赴援擊敗之以為陝西行省左丞李思齊四川左丞

宋將毛貴破膠萊諸州益都山東郡邑俱陷以搠思監為右丞相太平為左丞相

劉福通攻汴梁分兵為三道關先生破頭潘馮長舅沙劉二王士誠入晉冀白不信大刀敖李喜喜入關中毛貴據山東

鎮守黃河義兵萬戶田豐叛降于宋

張士誠屢為楊完者所敗請降江浙左丞相達識帖木兒承制令叅知政事周伯琦撫諭之詔以士誠為太尉伯琦遂被士誠拘留

倪文俊謀殺其主徐壽輝不果奔黃州壽輝將陳友諒襲殺之自稱平章

陳友諒沔陽漁人子為縣吏不樂徐壽輝倪文俊兵起遂從之

明玉珍據成都

明玉珍隨州人聞徐壽輝起集鄉兵屯于青山

自固後降壽輝倪文俊破蜀命玉珍守之至是聞文俊死遂據蜀

歐陽玄致仕不能還卒于大都年八十五封楚國

公趙君用彭早住自濠州奔淮安據之趙稱永

義王彭稱魯淮王

義兵千戶余寶殺其知樞密院事寶童降于毛貴

據棣州

是年我

大明太祖克常州寧國徽州諸路及揚州耿炳文劉成自廣德取長興張士誠遣趙打虎等迎戰敗之

改長興為長安州以耿炳文為都元帥劉成為副
元帥守之炳文以儒士溫祥卿為謀主

常遇春吳良取江陰以良為樞密院判守之

戊戌

陳友諒破安慶守臣淮南行省左丞余闕力屈自

劉妻妾子女俱赴井死友諒復破龍興陷吉安撫

州汀贛諸郡

毛貴破濟南守臣董搏霄力戰被殺無血惟白氣

衝天貴由河間破冀州田豐陷濟寧據之

劉福通破汴梁迎韓林兒居之

周全以懷慶叛降于劉福通遣攻洛陽守將登城

責以大義全愧謝退兵為福通所殺

秦不花以太平漢人居相位而已反在外心懷忿

疾賊攻汴不援及毛貴田豐勢盛拜右丞相總兵

進討即上言請令太平至軍中督餉方進兵太平

知其害已諷御史劾其緩師拒命殺之以悟良哈

台代總其軍

闕先生破頭潘破遼州及塞外諸郡遂入上都焚

宮闕尋轉掠遼入高麗封唐劉蕡為文節昌平

侯山東地裂天雨白毛

左丞相搠思監免以紐的該代是年我

大明太祖取建德蘭溪等州遣胡大海攻婺州不克
乃親率兵用儒士王宗顯潛入探知虛實拔之改
婺州為寧越府以宗顯為知府宗顯開郡學延儒
士葉儀宋濂為五經師戴良為學正吳沈徐源為
訓導

己亥 春二月以孛羅帖木兒移鎮大同

三月方國珍以溫台慶元三府歸附

大明四月趙君用自淮安奔山東依毛貴至是殺貴
其黨續繼自遼陽入益都執君用殺之

察罕帖木兒復汴梁劉福通以韓林兒退保安豐
遣兵部尚書伯顏帖木兒等以御酒龍衣賜張士
誠徵海運糧

以方國珍為江浙行省平章政事 大都有杜鵑
皇后竒氏與太子謀禪位諭意太平不答太子以
左丞成遵叅政趙中皆太平所用之人令御史誣
其賊罪下獄杖死

陳友諒破信州襄陽 徐壽輝欲徙都龍興自漢
陽至江州陳友諒出迎伏兵盡殺其官屬遂自稱
漢王以江州為都

贈宋儒楊時吳國公李侗越國公胡安國楚國公

蔡沉建國公真德秀福國公俱從祀孔子廟庭
是年我

大明太祖取衢處州遣使以書幣徵青田劉基龍泉
章溢麗水葉琛及宋濂處以禮賢館基蓋孫炎所
薦也又以李文忠薦王禕王天錫俱任用之

庚子

偽漢大義元年

元以危素為叅知政事 元紐該的卒

元太平罷復以搠思監為右丞相

夏五月陳友諒陷太平院判花雲罵賊被碎首射
死妻郤氏赴水死侍兒孫氏匿其遺孤熸至金陵

追封雲東丘郡侯知府許瑗亦不屈而死

陳友諒弒其主徐壽輝于采石舟中僭稱皇帝國
號漢改元大義以鄒普勝為太師張必先為丞相
以五通廟為行殿江岸行禮大雨略無儀節復還

江州

孛羅帖木兒與察罕帖木兒相攻元主遣使和鮮
元陽翟王阿魯帖木兒起兵北邊責元主罪

陳友諒犯龍灣我

大明兵以計勝之追北遂復安慶

是年夏四月癸酉我

太祖第四子 生是謂成祖 冬十一月黃河清三

辛丑 元以張良弼為陝西行省叅政

大明太祖討陳友諒拔江州友諒走武昌

元察罕帖木兒克山東田豐降 元阿魯輝帖木兒兵敗誅

冬十一月黃河清自三門磧下至孟津五百里凡

七日十二月又清至永泮始如故

察罕帖木兒與李思齊攻張良弼於鹿臺詔和鮮之 是年張士誠遣其司徒李伯昇帥衆十萬攻

長興耿炳文劉成固守月餘常遇春從江州提兵

至伯昇敗去

壬寅 明玉珍破雲南稱隴蜀王為徐壽輝立廟

察罕帖木兒為田豐所殺元以其養子擴廓帖木

兒代總其衆擴廓入益都殺田豐追贈察罕河南

行省左丞相忠襄王謚獻武改封穎川王謚忠襄

皇后竒氏族在高麗驕橫為高麗王伯顏帖木兒

所殺后譖廢王立其昆弟在京者塔思帖木兒為

高麗王遣將率兵萬人送之國為高麗所敗止十

七騎還

是年金華盜殺胡大海處州賊殺耿再成孫炎

癸卯

偽夏天統元年 偽漢陳理德壽元年

明王珍僭稱皇帝國號大夏建元天統

二月張士誠入安豐殺劉福通據其城我

太祖率徐達常遇春等擊走之

秋七月陳友諒寇洪都我

太祖率諸將討之大戰于鄱陽湖友諒為流矢中目

而死其子理走據武昌復稱帝改元德壽

九月張士誠自稱吳王元遣使徵糧不與

元太平已辭歸密旨留之太子令御史普化劾其

違命遣使逼令自殺

是年元孛羅帖木兒與李思齊交攻 擴廓帖木

兒攻張良弼又與孛羅帖木兒爭所守疆境互相

攻擊

甲辰 春正月李善長徐達等奉

太祖為吳王建官屬以李善長為右丞相徐達左丞

相常遇春余通海平章政事汪廣洋右司郎中張

昶左司郎中二月自將拔武昌陳理降湖廣江西

悉平

元太子與右相搠思監宦者朴不花誣構削孛羅

帖木兒官爵不受命詔擴廓帖木兒討之孛羅知非元主意遣禿堅帖木兒舉兵犯闕太子出奔元主執搠思監朴不花與之復孛羅官爵仍加太保禿堅入見延春閣宴賚授平章政事方退

五月元太子以兵攻大同孛羅復犯闕太子迎戰不利出奔翼寧孛羅入都城見元主命翰林承旨張翥草詔削擴廓帖木兒官爵翥不從命他學士為之遂以孛羅為右丞相禿堅為御史大夫其部屬皆列省臺孛羅請誅狎臣汰宦官罷造作省錢糧禁西僧好事

太子構禍人臣擅權元主是時徒擁虛名而已夏四月歲星逆行入端門

秋八月張士誠逐江浙丞相達識帖睦爾以弟張士信代之許有壬卒

冬十月張士信攻長興耿炳文費聚敗之

乙巳 春二月日旁有一月一星 二月白虹貫日

大都雨雹長尺許 六月雨魚

元太子討孛羅帖木兒孛羅幽皇后奇氏伯達兒斫殺孛羅其黨皆誅太子還以伯撒里為太師右丞相擴廓帖木兒太尉左丞相知樞密封河南王

總制諸路軍馬

秋七月填星歲星熒惑聚于角亢 太白辰星聚

斗

大明太祖立國學于應天府

丙午 春二月黃河北徙 元擴廓帖木兒張良弼李思

齊連兵交戰

三月夏明王珍死子昇立年十歲母彭氏聽政改

元開熙

元以陳有定為福建行省平章

以方國珍為江浙左丞相

是年我

太祖取淮安宿濠泗潁安豐遣徐達李文忠俞通海

華雲龍等取湖州杭州紹興嘉興悉平

求遺書建

宗廟社稷 宋主韓林兒沉于瓜步宋遂亡

人代紀要卷之二十九終

人代紀要

卷之二十九

三

宗廟... 宋主韓林... 宗廟... 宋主韓林...

宋書書數

太祖... 太祖... 太祖...

人代紀要卷之三十

明吳興顧應祥編集

大埔黃宸校刊江陰湯明善校正

庠生倪佩 臧繼華同校

丁未吳元年春正月我

太祖稱吳元年 定文武科取士之法

命百官禮儀尚左 秋九月徐達常遇春等克平

江執張士誠至京自縊死

吳王令旨予聞伐罪救民王者之師攷之往古世代

昭然軒轅氏誅蚩尤殷湯征葛伯文王伐崇侯三

聖之起兵也非富天下本爲救民近者有元之末
主居深宮臣操威福官以賄成罪以情免臺憲舉
親而覈讎有司差貧而放富廟堂不以爲慮方添
冗官又改鈔法役數十萬民堙塞黃河死者枕籍
于道哀苦聲聞于天致使愚民誤中妖術不解其
言之妄誕酷信彌勒之真有冀其治世以甦困苦
聚爲燒香之黨根據汝穎蔓延河洛妖言既行兇
謀遂逞焚蕩城郭殺戮士夫荼毒生靈無端萬狀
元以天下兵馬錢糧而討之畧無功效愈見猖獗
然而終不能濟世安民是以有志之士傍觀熟慮
乘勢而起或假元氏爲名或托鄉軍之號或以孤
兵獨立皆欲自爲由是天下土崩瓦解予本濠梁
之民初列行伍漸至提兵灼見妖言終不能成事
又度胡運難與立功遂領兵渡江賴

天地祖宗之靈及將帥之力一鼓而有江左再鼓而
定浙東陳氏稱號據我上游爰興問罪之師彭蠡
交兵元惡授首其父子兄弟面縛輿觀既待以不
死又封以列爵將相皆置于朝班民庶各安于田
里荆襄湖廣盡入版圖雖德化未及而政令頗修
惟茲姑蘇張士誠爲民則私販鹽貨行劫于江湖

兵興則嘯聚兇徒負固于海島其罪一也又恐海隅一區難抗天下全勢詐降于元執其叅政趙璉囚其待制孫搗其罪二也厥後掩襲浙江兵不滿萬數地不足千里潛號改元其罪三也初寇我邊一戰而生擒其親弟再犯浙省揚兵直搗其近郊首尾畏縮又乃詐降于元其罪四也陽受元朝之名陰行假王之令挾制達丞相謀害楊左丞其罪五也占據江浙錢糧十年不貢其罪六也知元運已墜公然害其江浙丞相拓識帖木兒南臺大夫普化帖木兒其罪七也恃其地險食足誘我叛將

劫掠邊民其罪八也又甚于蚩尤葛伯崇侯雖堯舜禹湯文武與之同世亦所不容理宜征討以拯天下以濟斯民爰命中書左丞相徐達率領馬步官軍舟師水陸並進攻取浙西諸處城池已行戒飭軍將征討所加殲厥渠魁脇從罔治備有條章凡有逋逃臣民被陷軍士悔悟來歸咸宥其罪其爾張氏臣寮果能明識天時或全城附順或棄刃投降名爵賞賜予所不吝凡爾百姓果能安業不動即我良民舊有田產房舍仍前為主依額納糧以供軍儲餘無科取使汝等永保鄉里以全室家

此興師之故也敢有千百相聚旅拒王師者即當
移兵勦滅遷徙宗族于五溪兩廣永離鄉土以禦
邊戎予之言信如皎日咨爾臣庶毋或自疑故榜
右我

太祖討張士誠安民榜謹錄于此

冬十月命徐達爲征虜大將軍常遇春爲征虜副
將軍率甲士二十五萬北定中原

檄曰自古帝王臨御天下中國居內以制夷狄夷
狄居外以奉中國未聞以夷狄居中國治天下者
也自宋祚傾移元以北狄入主中國四海內外罔

不臣服此豈人力實乃天授然達人志士尚有冠
履倒置之歎自是以後元之臣子不遵祖訓廢壞
綱常有如大德廢長立幼泰定以臣弑君天曆以
弟醜兄至於弟收兄妻子烝父妾上下相習恬不
爲怪其於父子君臣夫婦長幼之倫瀆亂甚矣夫
人君者斯民之宗主朝廷者天下之根本禮義者
御世之大防其所爲如彼豈可爲訓於天下後世
哉及其後嗣沈荒失君臣之道又加以宰相專權
憲臺報怨有司毒虐於是人心離叛天下兵起使
我中國之民死者肝腦塗地生者骨肉不相保雖

因人事所致實厭其德而棄之之時也古云胡虜
無百年之運驗之今日信乎不謬當此之時天運
循環中原氣盛億兆之中當降生聖人驅逐胡虜
恢復中華立綱陳紀救濟斯民今一紀于茲未聞
有濟世安民者徒使爾等戰戰乾乾處於朝秦暮
楚之地誠可矜憫方今河洛關陝雖有數雄忘中
國祖宗之姓反就胡虜禽獸之名以爲美稱假元
號以濟私恃有衆以要君阻兵據險互相吞噬反
爲生民之巨害皆非華夏之主也予本淮右布衣
因天下亂爲衆所推率師渡江居金陵形勢之地

今十有三年西抵巴蜀東連滄海南控閩越湖湘
漢沔兩淮徐邳皆入版圖奄及南方盡爲我有民
稍安食稍足兵稍精控弦執矢目視我中原之民
久無所主深用疚心予恭天成命罔敢自安方欲
遣兵北逐群虜拯生民於塗炭復漢官之威儀慮
民人未知反爲我讎挈家北走陷溺尤深故先諭
告兵至民人勿避予號令嚴肅無秋毫之犯歸我
者永安於中華背我者自竄於塞外蓋我中國之
人天心命中國之人以安之矣夷狄何得而治哉
爾民其體之如蒙古色目雖非華夏族類然同生

天地之間有能知禮義願為臣民者與中國之人
撫養無異 十二月湯和等平台溫方國珍避海

島勢窮而降以為廣西行省左丞奉朝請

戊申大明太祖皇帝洪武元年

春正月即皇帝位于應天府復中華之正統國號

大明建元洪武冊立

皇后 皇太子 以李善長為中書左丞相徐達右丞

相章溢為御史中丞以廷臣兼東宮官不別設尋

以劉基為御史中丞兼太子贊善大夫定南北郊

置六部及各衛所兵制 廖永忠等執陳友定平

福建航海取廣東元分省左丞何真籍其所部郡

縣戶口兵馬錢糧歸附授江西行省參政兩廣悉

平 真後封
東莞伯

秋閏七月王師克通州元主妥懽帖睦爾大懼開

德勝門遜歸沙漠 八月克燕城元亡

是年彗星屢見於昴畢昴胡星也滅胡之兆

元自太祖奇渥溫鐵木真於宋寧宗開禧二年

丙寅僭號於兀難河之原國語稱成吉思皇帝

傳子窩濶台於宋理宗端平元年甲午滅金景

定元年庚申忽必烈即位是為世祖至元十三

年丙子取宋十六年巳卯混一天下自太祖丙寅至順帝丁未凡十三主一百六十三年自世祖巳卯承宋統至順帝丁未凡九主八十九年按夷狄爲中國主始於劉淵繼之以五胡爲南北朝爲遼金元至順帝北去前後一千六十餘年隋起于宇文唐雖能臣服四夷亦不能久及其中衰又借兵回紇引胡入境陵夷至於石晉獻地稱臣宋遂不能混一卒之併中國而棄之蓋前此胡主不過竊據一方雖南北並稱而中華之主猶在未有若胡元之時併海內而通屬於夷者蓋至此而冠履倒置極矣我

太祖一掃而肅清之使中原之地千有餘年沒於腥羶之中者拯而出之以復見天日真再造天地之功也且三代以下惟漢未嘗屈於夷狄然漢高方強盛之時已與和親至若漢武之登單于臺唐太宗之稱天可汗徒誇耀于一時而不能嚴華夷之辨惟我

太祖

成祖相繼驅逐沙漠之外而惟嚴於內治禦戎之道則優於前代多矣

已酉 立功臣廟 詔修元史

陝西平李思齊降以爲江西行省左丞食祿京師
倭寇犯崇明等處太倉守禦指揮翁德平之

常遇春李文忠軍克開平元主北遯沙漠

常遇春卒于軍追封開平忠武王 章溢卒

庚戌 以元翰林學士承旨危素爲弘文館學士

立科舉格開科取士 分封諸王

徐達等破王保保取漢中

元主妥懽帖睦爾卒于應昌

李文忠拔應昌元太子愛猷識理達臘脫走獲元

嫡孫買的里八剌及后妃諸王并玉璽金寶玉冊

大圭玉鎮圭玉斝玉斧而還朔庭遂空捷至詔諭

沙漠

大封功臣 修大明集禮

遣翰林編修王濂吏部主事林唐臣使安南

遣湯和傅友德征蜀

十一月李文忠旋師

駕出勞于江上

謚元主妥懽帖睦爾曰順帝封買的里八剌爲崇

禮侯宗室來降者皆授以官

龍飛紀畧云
後遣還沙漠

李文忠平沙漠表云日月麗中天萬國仰照臨
之德乾坤大一統群生荷覆載之恩文教誕敷
而治具畢張武威奮揚而妖氛頓息臣民欣戴
海宇懽騰恭惟

皇帝陛下卓冠群倫茂膺景運

皇圖啓祚申明命之自天曆數在躬遂化家而
爲國拯生民之墊溺救亂世之劫勦太和播而
品物亨皇極建而彝倫叙凡有血氣莫不尊親
惟彼殘胡敢行肆毒竊乘間隙侵犯邊陲赫怒
皇心用加天討爰聲罪而致伐乃鞠旅以陳師臣賦

質庸愚託屬外戚忝受副將之寄慙無贊畫之
能拜命闕廷俾率熊羆之衆總戎行陳誓空胡
馬之群前矛度關而興和之師即降後騎出塞
而駝山之兵旋衄進開平而乘破竹之勢克應
昌而畏覆巢之威皇子后妃兩宮之貴人俱獲
金璽玉冊歷代之寶器全收皇風遠播於遐荒
胡運竟終於此日况茲勲業之建豈因臣下之
能茲蓋伏遇

皇帝陛下廣運如天宏謀蓋世明見萬里之外遂成
千載之功東日窟而西月氏莫非王土南炎荒

而北瀚海共為帝臣一統太平萬年悠久

辛亥 初廷試進士吳伯宗等 劉基歸老

湯和傳友德廖永忠等平蜀明昇降封歸義侯賜
第京師

暹羅渤泥三佛齊國俱遣使奉表入貢

日本國王良懷遣使入貢

壬子 安南陳叔明弒其主日燮而自立

遣翰林待制王禕使雲南尋被害

命徐達等分道征沙漠

琉球瑣里國入貢

癸丑 置六科給事中

汪廣洋有罪謫廣東叅政 罷科舉舉賢良

設西番僧法王國師賜印因俗為治

甲寅 李文忠等北伐

靖海侯吳禎平倭寇

乙卯 劉基卒年六十五

丙辰 葉居升上書

丁巳 建大祀殿合祭天地 初置通政使司

鄧愈卒追封寧河王

戊午 給文武官牙牌 安南入貢以詔諭

百花彭亨國遣使來貢

巳未

庚申 誅胡惟庸 減蘇松嘉湖重租

罷丞相官不設

詔曰

朕膺

一天命君主華夷當即位之初會集群臣立綱陳紀法體漢唐畧加增減亦參以宋朝之典所以內置中書都府御史臺六部外列都指揮使司承宣布政使司都轉運鹽使司提刑按察司及府州縣綱維庶務以

安兆民朕嘗發號施令責任中書使刑賞務當不期任非其人致有丞相汪廣洋御史大夫陳寧晝夜淫昏酣歌肆樂各不率職坐視廢興以致丞相胡惟庸構群小夤緣為姦或枉法以惠罪或執政以誣賢因是發露人各伏誅特詔天下罷中書廣都府并六部使知更官定制行移各有所歸庶不紊煩於戲周職六卿康兆民於宇內漢命蕭曹肇四百年之洪業今命五府六部詳審其事務稱厥職故茲詔諭

安置學士宋濂于茂州行至瓊州卒

辛酉 編修吳沉吳伯宗進千家姓系

遣傅友德藍玉沐英征雲南元梁王把都全家赴滇池死

壬戌 傅友德沐英克大理執段氏二子歸賜長子名歸仁為武昌衛鎮撫次名歸義薦門衛鎮撫雲南悉平置雲南布政司

秋七月刑部尚書劉惟謙等進大明律 八月

高皇后崩

癸亥 春二月遣耿炳文諭傅友德等班師以沐英鎮雲南

緬甸車里八百俱歸附

甲子 頒科舉式三年一試著為定制薦舉並行

李文忠卒年四十六

漏刻博士元統進大統曆

乙丑 廷試進士丁顯等

徐達卒年五十四

湯和等征思州及五開諸洞蠻

丙寅 傅友德耿炳文征貴州等處苗蠻

丁卯 宋國公馮勝郭英胡海等征北虜

十二月又命永昌侯藍玉武定侯郭英征北虜

靖海侯葉昇普定侯陳桓征東川普定等處蠻寇

戊辰 廷試進士任亨泰等

藍玉郭英等破元愛猷識理達臘于捕魚兒海俘獲人口馬駝牛羊輜重數萬自是殘元之孽不復能振矣

通鑑博論云元主妥懽睦爾卒于應昌國人謚曰惠宗子愛猷失里達臘嗣于沙漠十一年卒國人謚曰昭宗子益王脫古思帖木兒嗣九年為野速迭兒所弑而奪其位自後無考

沐英克平緬及馬龍他甸等處雲南極邊諸夷俱定

按雲南自古荒服之地漢武帝通西南夷以兵擊滇滇王雖降賜以王印仍長其民今雲南府是其地也宣帝遣王褒求金馬碧鷄之神止於蜀中望祭而已至後漢明帝時哀牢夷始內附置哀牢博南二縣今為永昌府自是以後叛附不一三國時諸葛亮征南中斬雍闓擒孟獲平益州永昌牂柯越嶲四郡即其渠率而用之其後日益強大相繼為君長者曰張氏蒙氏鄭氏趙氏楊氏段氏高氏而蒙段二姓傳世最久據有雲南僭稱大號實自蒙氏始以其併吞六詔

在諸詔之南故謂之南詔又改為大禮國僭封
五嶽四瀆唐不能制妻以宗女至宋則段氏為
大理國自大渡河之外自為聲教元世祖雖以
兵力浮金沙江取之而猶以段氏為總管以親
王鎮之亦羈縻而已惟我

太祖天兵自湖廣貴州而入一鼓而平置三司郡縣
衛所俱為神州赤縣而化外諸夷如老撾木邦
緬甸八百車里干崖猛密等處元兵之所不能
攻者咸設宣慰宣撫入於職方輿圖之廣前代
所無故此書以是年終之以著


國家大一統之盛云

人代紀要卷之三十終

人个系

卷之三

四



程